

C40
4514
(133)



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

寄贈
大正三年五月十五日
田健太郎氏

C 40-45-14

了翁座請大藏及有
家書與之武州雲山
松嶽院庶司中永
為學不致許出院
當山三世鐵牛焚註誌



B 64853



大藏一覽卷第九

寧德優婆塞陳 實 謹編

水居士姚舜漁校正重刊

第八門四十九年苦口末後一笑收功

教相品

世尊七日作思惟 大梵三勤而請說

釋迦譜云。如來菩提樹下成等正覺於七日中

思惟我所得法甚深微妙。唯佛與佛乃能知之。

一切衆生愚癡邪見無有智慧。云何能解我所

大藏一覽

卷九

得法。我今若爲轉法輪者。彼必迷惑不能信受。而生誹謗。當墮惡道。我寧默然入般涅槃。爾時大梵天主。禮足圍繞。白言世尊。久住生死捨於國城妻子。頭目髓腦爲求法故。今日法海已滿。法幢已立。開導正時。云何涅槃。三請說法
形字

總十二部修多羅 別分三藏經律論

涅槃云。佛說十二部經。謂修多羅。祇夜。受記。伽陀。優陀那。尼陀那。阿波陀那。伊帝目多伽。闍陀伽。毘佛畧。阿浮陀達磨。優波提舍。何等名修多

羅經。從如是我聞。至歡喜奉行。何等名祇夜經。如佛爲衆說契經。竟復有衆生。後至佛。因本經以偈頌曰。何等名受記經。如來說時。爲諸天人受佛記別。何等名伽陀經。除修多羅。及諸戒律。其餘有說四句之偈。謂諸惡莫作。衆善奉行。自淨其意。是諸佛教。何等名優陀那經。佛從定起。無問自說。何等名尼陀那經。知其本末。因緣而說。偈言。何等名阿波陀那經。如戒律中所說譬喻。何等名伊帝目多伽經。如佛所說名曰戒經。

何等名闍陀伽經。說佛因地修諸苦行。何等名毘佛畧經。大乘方等其義廣大。何等名未曾有經。說佛初生能行七步。至入天廟令像起禮。何等名優波提舍經。分別廣說。辯其相貌。一字函第三卷阿毘曇論問。修多羅。毘尼。阿毘曇。三藏有何差別。答曰。或有說者。無有差別。所以者何。皆從一智海說故。復有說者。亦有差別。爲分別心。各修多羅。爲分別戒。名爲毘尼。爲分別慧。名阿毘曇。復次爲初入法名修多羅。已入法中。爲受持戒。

名曰毘尼。已受戒者。爲令正解。名阿毘曇。○問曰。迦旃延尊者。以何因緣造作此經。答曰。饒益他故。若是受持通利憶念。所有煩惱。及諸惡作。不現在前。以此勤修。能入法相。譬如有人。欲饒益他於黑闇中。然大燈明。爲有目者。見種種色。尊者亦爾。佛亦如是。爲饒益他說十二部經。所以者何。若是衆生。雖有內因。無外緣者。終不能修勝進之行。若遇外緣。則能修行。譬如闇室。有種種物。若無燈照。終不可見。有燈則見。衆生亦

然雖有內因。若無外緣。終不能修勝進之行。若遇外緣。則能修習。佛卽說偈曰

譬如闇室中。雖有種種物。若無燈明照。

有日不能見。若人雖有智。不從他聞法。

是人終不能。分別善惡義。京字函第一卷

○藏師初判作五乘。○長者復分爲十教。

合論云。唐藏法師立五乘教。一小乘教。聲聞緣覺之學。二大乘始教。三終教。始終二教。並隨地位。漸次修成。俱爲漸教。四頓教。但一念不生。卽

名爲佛。不從地位漸次而說。五圓教。眞俗互融。具足圓滿。一卽一切。一切卽一。無礙法門。○長者立十教。○第一時。說小乘有教者。爲諸凡夫。繫著世法。以爲實有。隨於色塵。作諸不善。以不善故。墮於惡趣。還將有法。轡勒彼心。以戒防護。制諸不善。故名有教。○第二時。說般若破有明空教者。旣說小乘實有戒。其身口意業。令住善法。方說法空。破彼繫著。漸向法身。○第三時。說解深密經。爲和會空有教者。令彼空有不滯一

大藏一覽 卷九
四
邊爲不空不有教。以二乘人滅識證寂住寂無知。爲回彼故。寄說阿陀那識。爲第九純淨識。如五六七八等識。常依九識以爲依止。凡愚不了。妄執爲我。如水瀑流不離水體。諸波浪等。以水爲依。五六七八識常以淨識爲依。何故安立九識爲淨識者。爲二乘人久在生死業種。六七八識有怖畏故。恐彼難信。方便於生死種外。別立淨識。使令悲智漸漸得生。達識成智。○第四時說楞伽經。明假卽真教者。直爲大乘根堪之者。

頓說第八業種之識。名爲如來藏識。明與無明。其性不二。此教雖說無明業種成智。猶希出俗。未現同躰也。○第五時說維摩經。卽俗恒真教者。破前四種教中。聲聞菩薩染淨未融。常忻出俗。卽以淨名俗士。明卽俗常真。使三乘衆淨相心亡。出俗入躰。平等無礙。方明實德也。○第六時說法華經。引權歸實教者。爲羅漢隨空會寂緣覺會十二緣生法。皆無體性。如是二人皆心識滅。三界業滅。智慈不生。又有析法明空以空

破惑樂生淨土。及留惑潤生菩薩。並不了一切衆生。無明諸惑皆從一切如來根本智性之所生。所以見有淨土穢土。自佛他佛若忻若厭。不稱真理。引此三根。令歸本智故。○第七說涅槃經時。令諸三乘。捨權向實教者。以前三乘。慢不信故。不得成佛。此明一切有情。皆有佛性。與佛無異。捨權就實相。盡見性之門。○第八說華嚴經時。於剎那際。通攝三世圓融教者。性智本無時故。法界體無礙故。如圓珠無方。如明鏡頓照。

該括始終。一際圓滿。無成無壞。無出無沒。常轉法輪。○第九共不共教者。說大乘經。人天三乘。雖是同聞。得益各別。如聲聞在華嚴會上。若言若輩。是名共不共教。○第十不共共教者。華嚴經中。十方雲集。諸來菩薩。方來雖異。共會說法。是名不共共教。○如是辨明教相。差殊。使始學之流。知其權實也。第三卷

但原觀色之一法。隨機立教有多般。

宗鏡云。故知立教。皆爲對機。機宜不同。教分多

種。且如觀色一法。五教證入不同。○初小乘見是實色。不說性空。○初教見此色法。從緣所成。必無自性。卽空無所有。如波歸水。○終教見色空無礙。以真空不守自性。隨緣成色。卽是幻色。虛相無體。是故色卽空而常泯。空卽色而常存。要由自盡之色。方是空色。成色之空。乃是真空。舉體互融。無有障礙。如水入波。○頓教一色法。無非真理所收。是故此色卽真理一味。更無別法。而可顯說。水波雙絕。○圓教起卽全收。一多

互攝。同時成立。一塊圓明。隨舉卽色。隨舉卽空。義味自在。隨智取用。何以故。隨舉一門。無不顯現。古德云。皆本一心。而貫諸法。車字喚第七卷

醫王用藥分三品。如來逗教亦復然。

又云。譬如上醫。以非藥爲藥。中醫以藥爲藥。下醫藥成非藥。且非藥爲藥者。如云。無有一物。不是乎藥。攬草皆成。如行非道。而通佛道。卽煩惱而成菩提。以藥爲藥者。卽應病與藥。隨手痊愈。附子治風。橘皮消氣之類。如觀根授法。思覺多

者修數息觀。姪欲多者。修不淨觀之類。藥爲非藥者。不識病源。又增其疾。如說法者。不逗其機。則醍醐上味。爲世珍奇。遇斯等人。翻成毒藥。富字

二弟
二卷

因其中道以辭遙。遂設化城令暫息。

法華經云。佛告比丘。當知如來方便。深入衆生之性。知其志樂小法。深著五欲。爲是等故。說於涅槃。是人若聞。則便信受。譬如五百由旬險惡之處。有一導師。善知險道。通塞之相。將導衆人。

欲過此難。至珍寶處。所將人衆。中道懈退。白導師言。我等疲極。前路猶遠。今欲退還。導師愍彼捨大珍寶。以方便力。於險道中。化作一城。告衆人言。汝莫退還。今此大城。可於中止。是時疲極之衆。心大歡喜。前入化城。生安隱想。爾時導師。知此人衆。旣得止息。無復疲倦。而滅化城。語衆人言。寶所在。近向者。大城我所化。作爲止息耳。如來導師。亦復如是。知諸生死惡道懸遠。若諸衆生。聞一乘者。便作是念。佛道長遠。久受勤苦。

乃可得成佛。知怯劣以方便力。而於中道爲止息。故說二涅槃。若衆生生於二地。如來卽便爲說。汝等所作未辦。汝所住地。近於佛慧。應當籌量所得涅槃。未真實也。但是如來方便之力。於一佛乘。方便說三。竹字函 第三卷
要集云。昔一聚落。去王城五由旬。彼有美水。王勅日日送水。村人疲苦。悉欲逃移。村主語之。汝等莫去。我當爲汝。白王改五由旬作三由旬。使汝得近。往來不疲。卽往白王。王爲改之作三由

旬。衆人聞已。便大歡喜。世間之人。修行正法。度於五道。向涅槃城。心生疲倦。便欲捨離。如來法王。有大方便。於一乘法。分別說三。小乘之人。聞之歡喜。以爲易行。進德求度。如彼村人。亦復如是。張字函 第二卷

說諸法相分三種 依他徧計與圓成

瑜伽論云。如來說諸法相。畧有三種。一者徧計所執。相謂一切法名假安立。自性差別。乃至爲令隨起言說。二者依他起相。謂一切法緣生自

性則此有故彼有。此生故彼生。謂無明緣行。乃至招集純大苦蘊。三者諸法圓成。相謂一切法平等真如。漸漸修集。乃至菩提。方證圓滿。如眩翳人眼有翳病。徧計執相。當知亦爾。如眩翳人青黃等相。差別現前。依他起相。當知亦爾。如淨眼人離眩翳患。本性所行。無亂境界。圓成實相。當知亦爾。

緣字函
第六卷

語默視瞬皆爲說 見聞知覺豈非聽

宗鏡云。語默動靜。無非佛事。如雲臺寶網。盡演

妙音。毛孔光明。皆能說法。香積世界。餐香飯。而三昧顯。極樂國土。聽風柯而正念成。絲竹可以傳心。目擊以之存道。旣語默視瞬皆說。則聞見覺知盡聽。苟能得法契神。何必要因言說。如琴中傳意於秦王。脫荆軻之手。相如調文君之女。終獲隨車。帝釋有法樂之臣。馬鳴有和羅之技。皆絲竹傳心也。目擊道存者。莊子云。夫子欲見温伯雪子。久而不見。及見。寂無一言。及出。子路怪而問曰。夫子欲見温伯雪子久矣。何以寂無

一言子曰。若斯人者。目擊而道存。亦不可以容聲者矣。若雲臺。若寶網。若毛孔。若光明。皆能說法者。華嚴經中可見。富字函 第四卷

善哉。若有聞法人。由斯無一不成佛。

宗鏡舉法華經偈云。若有聞法者。無一不成佛。

昔泥蛤聞法而生天。故事見 十善品 麤象聽經而悛惡。

故事見 雜緣品 比丘信受而獲果。女人思惟而悟空。故事

見禪 富字函 第六卷

或因惡境接衆生。譬若蓮華開烈日。

大乘論云。有時菩薩正居王位。或現種種逼惱衆生。是以安立於戒律中。○釋曰。衆生有二種。或宜歡喜教化。譬如拘物頭花。因涼月開敷。或宜逼惱教化。譬如蓮花。因烈日開敷。菩薩亦爾。如那羅王及善財童子。或現可愛事。或現可畏事。安立衆生於善處。與字函 第四卷

然佛從來平等法。接物何嘗貴賤分。

大莊嚴論云。佛難波斯匿王。分別出家貴賤。我不以為貴。選擇王賢等。亦度下賤優波離等。我

不齊爲大富長者須達多等亦度貧賤須賴多
等我不齊爲大智舍利弗亦爲鈍根周離槃特
等我不齊爲少欲知足摩訶迦葉亦爲多欲姿
難陀等我不齊爲耆舊宿德優樓頻螺迦葉亦
爲幼稚須陀耶等我不齊爲憍慢婆迦賴等亦
爲極惡鴛掘摩羅我不齊爲多智男子而爲說
法亦爲淺智女人而爲說法佛告波斯匿王若
娶婦嫁女應擇種姓此佛法中唯觀宿世善惡
因緣不擇種姓唯觀信施不觀珍寶索戒清淨

不索家門清淨偈曰

佛法無偏黨平等示正道
爲一切衆生作安隱正路
譬如大市中示買一切物

我法市亦爾

不擇其種姓

君字爾第七卷

豈是文殊不知者俯爲衆生故問之

涅槃經云佛答文殊譬如輪寶上下回轉如來
說法亦復如是能令下趣諸惡衆生上生人天
乃至佛道是故汝今不應讚言如來於此更轉
法輪文殊白佛我於此義非爲不知所以問者

爲欲利益諸衆生故

一字五
第三卷

若受如來所說法

甘投火聚願求聞

華嚴經云。菩薩勤求佛法。所有珍財。皆無吝惜。不見有物難得可重。但於能說佛法之人。生難遭想。是故菩薩於內外財。爲求佛法。悉能捨施。無有恭敬而不能行。無有憍慢而不能捨。無有承事而不能作。無有勤苦而不能受。若聞一句未曾聞法。生大歡喜。勝得轉輪王位。若得一偈未曾聞法。能淨菩薩行。勝得帝釋梵王位。住無

量劫。若有人言。我有一句佛所說法。能淨菩薩行。汝今若能入大火坑。受極大苦。當以相與。菩薩。爾時作如是念。我以一句佛所說法。淨菩薩行。故假使三千大千世界。大火滿中。尚欲從於梵天之上。投身而下。況小火坑。而不能入。然我今者爲求佛法。應受一切地獄衆苦。何況人中諸小苦惱。菩薩如是求於佛法。如其所聞觀察修行。非但口言。而可清淨。

愛字函
第五卷

聽法之人不宗敬

如斯之輩莫與談

菩薩戒經。人在高處。已身處下。不應說法。除爲
病患心不信者。不應爲說。不厭生死者。不應爲
說。人在已前。人覆頭者。求過失者。不應爲說。何
以故。諸佛菩薩。恭敬法故。若說法者。尊重於法。
聽法之人。亦生宗敬。至心聽受。不生輕慢。是名
清淨說。賢字兩卷
按教明心指標月。由文見義色。因燈
圓覺經云。修多羅教。如標月指。若復見月。了知
所標。畢竟非月。一切如來。種種言說。開示菩薩。

亦復如是

楞伽經云。佛告大慧。善於語義。知語與義。不一
不異。義之與語。亦復如是。若義異語。則不應因
語而顯於義。而因語見義。如燈照色。大慧。譬如
有人持燈照物。知物如是。在如是處。菩薩亦爾。
因語言燈。入離言說。自證境界。四字。兩卷

燈雖顯色。見由眼。眼非見性。乃由心。

楞嚴經云。佛告阿難。諸盲無眼。唯觀黑暗。與有
眼人。處於暗室。二黑有別。爲無有別。如是世尊。

此暗中人。與彼羣盲。二黑校量。曾無有異。阿難。若無眼人。全見前黑。忽得眼光。還於前塵見種種色。名眼見者。彼暗中人。全見前黑。忽獲燈光。亦於前塵見種種色。應名燈見。若燈見者。燈能有見。又則燈觀。何關汝事。是故當知。燈能顯色。如是見者是眼。非燈眼能顯色。如是見性。是心非眼。梁字函 第一卷

依趣於義。不依文。依趣於智。不依識。

實積經云。菩薩修行。般若波羅蜜多故。於四依

趣善能具足。所謂依趣於義。不依趣文。依趣於智。不依趣識。依趣於了義經。不依趣不了義經。依趣於法。不依趣數取趣者。云何名爲依趣於義。不依文。所言文者。謂世間法。傳習文詞。所言義者。謂通達出世間法。乃至如來所演八萬四千法藏。聲教皆名爲文。諸離一切言音文字。理不可說。是名爲義。云何依趣於智。不依趣識。謂善巧了知。諸有言教。數取趣義。是名爲識。此不應依諸有言教。如法性義。卽是於智。此應依趣

云何不依趣不了義經。依趣了義經。若諸經中說世俗諦。名不了義。說勝義諦。名爲了義。乃至經中所說厭背生死。欣樂涅槃。名不了義。若有宣說生死涅槃。二無差別。是名了義。云何依趣於法。不依趣數取者。若有依止數取之見。諸所緣法。如是之相。名數取者。如來依世俗諦爲衆生說。若有衆生於此言教起於執著。如是等類。不應依趣。何以故。如來欲令於彼正依趣。故說如是法。汝等依趣諸法實性。無宜依趣彼數取。

者。何等是爲諸法實性。謂無有變異。無有增益。無作無不作。不住無根本。如是之相。是名法性。

宮字函
第二卷

攝心歸一。魔無便。如龜藏六。狗難傷。

宗鏡舉禪門中云。不怕念起。唯慮覺遲。又云。瞥起是病。不續是藥。是以初心攝念爲先是入道之階漸。昔佛在世。有一道人在河邊樹下學道。十二年中。貪想不除。目色耳聲。身靜意遊。曾無寧息。十二年中。不能得道。佛知可度。化作沙門。

往至其所樹下共宿。須臾月明。有龜從河中出。來至樹下。復有水狗飢行求食。與龜相逢。便欲飲。龜縮頭尾。及其四脚。藏於甲中。不能得噉。水狗少遠。復出頭足。行步如故。不能奈何。遂乃得脫。於是道人問化沙門答言。吾念世人。不如此狗。不能得其便。化沙門答言。吾念世人。不如此龜。不知無常。放恣六情。外魔得便。卽說偈言。藏如六龜。防意如城。慧與魔戰。勝則無患。車字函第八卷

四相人我壽衆生

四病作止并任滅

理附

障事

金剛經云。若菩薩有我相。人相。衆生相。壽者相。卽非菩薩。助深記注云。我相。謂於自身不計爲我。故人相。不計我轉趣。餘趣爲人。故衆生相。不計我盛衰苦樂。爲衆生。故壽者相。不計我。一報命根不斷。爲壽者。故今菩薩旣亡四相。已達身空。卽除我執。又有注云。無我者。則無色受想行識之見也。無人者。了四大不實。終歸地水火風也。無衆生者。則無生滅心也。無壽者。則我身本

空寧有壽者。四相既空。法眼明矣。

圓覺經云。彼善知識。所證妙法。應離四病。一者作病。有作是言。我於本心。作種種行。欲求圓覺。彼圓覺性。非作得。故說名爲病。二者任病。有作是言。我等今者。不斷生死。不求涅槃。涅槃生死。無起滅念。任彼一切。隨諸法性。欲求圓覺。彼圓覺性。非任有。故說名爲病。三者止病。有作是言。我今自心。永息諸念。得一切性。寂然平等。欲求圓覺。彼圓覺性。非止合。故說名爲病。四者滅病。

有作是言。我今永斷。切煩惱。身心畢竟空。無所有。何況根塵。虛妄境界。一切永寂。欲求圓覺。彼圓覺性。非寂相。故說名爲病。悉當離之。○又云。理事二障。一者理障礙。正知見。二者事障。續諸生死。若捨貪欲。先除事障。未斷理障。但能悟入聲聞緣覺。未能顯住菩薩境界。欲汎如來大圓覺海。先當發願。勤斷二障。二障已伏。卽能悟入菩薩境界。若二障已永斷滅。卽入如來微妙圓覺。

大藏一覽 卷九
有爲無爲善巧修 有餘無餘涅槃界

般若經云。菩薩於一切法。徧攝有爲無爲應修善巧。云何名有爲。謂妙善身語意行。是名有爲。云何無爲。卽以如是妙善身語意行。回向於菩提。若此云一。是名無爲。○又復有爲。卽是積集。五到彼岸。謂布施。持戒。忍辱。精進。靜慮。是名有爲。若由般若波羅蜜。多無爲智故。則五到彼岸。如此妙智。及以回向。一切智智。是名無爲善巧。

官字函
第二卷

增一阿含經云。佛告比丘。有二涅槃。有餘涅槃。界。無餘涅槃界。於是滅五下分結。不還此世。是謂有餘涅槃界。盡有漏。成無漏。意解脫。智慧解脫。而自遊戲。生死已盡。梵行已立。所作已辦。不復受有。如實知之。是謂無餘涅槃界。闕字函第七卷

宗鏡舉思益經云。諸佛出世。不爲令衆生出生。死入涅槃。但是度生死涅槃之二見。富字函第六卷

善財能發菩提心 彌勒稱揚佛種子

華嚴經云。彌勒菩薩指善財童子。告大衆言。此

長者子曩於福城受文殊教展轉經由諸善知識已。然後來至我所發心救護一切衆生。爲四流漂汨者。造大法船爲被見泥沒溺者。立大法橋爲被癡暗昏迷者。然大智燈爲行生死曠野者。開示聖道。爲嬰煩惱重病者。調和法藥爲遭生老死苦者。飲以甘露。爲入貪恚癡火者。沃以定水。近惡友者。示其善友樂。凡法者。誨以聖法。著生死者。令趣智城。此長者子。恒以此行救護衆生。發菩提心。未嘗休息。善男子。餘諸菩薩經

無量劫。乃能滿足。菩薩願行。乃能親近諸佛菩提。此長者子。於一生內。具足成就善男子菩提心者。猶如種子能生一切諸佛法。故菩提心者。猶如良田。能長衆生白淨法。故菩提心者。猶如大地。能持一切諸世間故。菩提心者。猶如淨水。能洗一切煩惱垢。故菩提心者。猶如大風。普於世間。無所礙。故菩提心者。猶如盛火。能燒一切諸見薪。故菩提心者。猶如帝王。一切願中。得自在。故菩提心者。猶如虛空。諸妙功德。廣無邊故。

善提心者。猶如蓮華不染一切世間法故。善提心者。如如意珠。周給諸貧乏故。善提心者。如功德餅。滿足一切衆生心故。善提心者。如那羅延。能摧一切我見敵故。善提心者。如勇將幢。能伏一切諸魔軍故。善提心者。猶如湧泉。生智慧水。無窮盡故。善提心者。則爲所歸。不拒一切來者。故善提心者。則爲義利。能除一切衰惱事故。善提心者。則爲妙寶。能令一切心歡喜故。善提心者。如大施會。充滿一切衆生心故。善提心者。如

佛支提。一切世間應供養故。善男子。善提心者。成就如是無量功德。舉要言之。三世如來。從善提心而出生。故善男子。如人學射。先安其足。後習其法。菩薩摩訶薩亦復如是。先當安住善提之心。然後修行一切佛法。善男子。如人護身。先護命根。菩薩摩訶薩。護持佛法。亦當先護善提之心。善男子。譬如有人命根若斷。不能利益父母。宗親。菩薩摩訶薩。捨善提心。不能利益一切衆生。不能成就諸佛功德。善男子。譬如王子。雖

於臣佐之中。未得自在。已具王相不與一切諸臣佐等。以生處尊勝。故菩薩摩訶薩。雖於一切業煩惱中。未得自在。然已具足菩提之相。不與一切二乘齊等。以種性第一故。善男子。譬如金剛雖破不全。一切衆寶。猶不能及菩提心金剛。雖復志劣。少有虧損。猶勝一切二乘功德。善男子。譬如金剛非凡人之所得。菩提心金剛。非劣意衆生之所能得。善男子。譬如金剛不識實人。不知其能不得其用。菩提心金剛。不知法人不

了其能不得其用。善男子。譬如金剛餘不能持。唯金剛之所能持。菩提之心。聲聞緣覺。皆不能持。唯趣薩婆若者。善男子。若有衆生發阿耨多羅三藐三菩提心者。則獲如是勝功德法。臣字

卷八

又善財參彌伽大士。白言。我已先發菩提心。而未知云何學菩薩行。彌伽遽卽下座。於善財前散花作禮。讚言。善哉。能發菩提心者。則爲不斷一切佛種。則爲成熟一切衆生。乃至則爲一切

天龍禮敬。如是讚已。還昇本座。為善財說法。

函第三卷

法界觀通大千卷 六相義圓無量門

法界觀云華嚴大教浩博難明。杜順和尚文殊應身以自智見華嚴一真法界。總該萬有即是。一心。其中諸佛衆生。若國土若莊嚴義境無量。於無量境集其義類總舉色空理事為例。束為三重觀門。一曰真空法界。二曰理事無礙。三曰周徧含容。若達此三門。則法界重重。縱橫達矣。

第一真空觀

理法界也原其實體但是本心。簡非虛妄念慮故云真也。簡非形

礙色相故云空也。

復開四句

○一會色歸空

以色等本根身器界

心推之。都無其體。歸於真心之空。非斷滅空。是真如一。

二明空卽色

凡是真空。必不異色。真空既不異色。亦不易一切法。以上二觀復開

入門。畢竟不出此理。

三空色無礙

謂色舉體全。是盡色之空。

卽色盡而空。現空舉體不異。全盡空之色。則空卽色。而空不隱也。若色是實色。卽礙於空。空是

斷空。卽礙於色。今既色是幻色。四泯絕無寄。所故不礙。空是真空。故不礙色。亦不可言卽空。不卽

真空。一切法皆不可不亦不可迴絕。無寄非言

及所

大藏一覽

卷九

二十三

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

九藏一覽

卷九

第二理事無礙

所觀能觀

○前雖說色是簡情計以成真空空色無礙

理至此理事無礙觀門始顯真如之用一理徧

於事門謂能徧之理性無分限所徧之事二事

徧於理門謂能徧之事是有分限所徧之理全

同非分同如全一大海在一波中而海非小如

而海非異俱時各匝三依理成事門謂事無別

於大海而波非一四事能顯理門由事攬理

理而得成立如波要五以理奪事門則事虛而

因於水能成立故六事能隱理然露現如波相虛水體露現

理實以事虛故全事中之理五以理奪事門則事虛而

事既攬理遂令事相皆盡唯一真六事能隱理

理平等顯現如水奪波皆盡無不盡

門真理隨緣成諸事法遂令事顯七真理卽事

門謂此真理舉體皆事八事法卽理門緣起事

自性無自性故舉體靜九真理非事門卽事之

真如波卽水動而非靜十事法非理門全理

是事以真妄異故如卽波十一事法非理門之事

之水非波以動濕異故十二事法非理門之事

事恒非理相性異故如全水十三事法非理門之事

之波非水以動義非濕故十三事法非理門之事

第三周徧含容觀事如理融徧攝一理如事門

事法既虛相無不盡二事如理門謂諸事法與

微塵溥徧法界此一微塵三事含理門謂諸事

亦如理性全在一切法中四通局無礙

大藏一覽

卷九

二三四

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

九鏡一覽

卷九

三味

門謂諸事法與理非一卽非異故令此事法不一故全徧十方而不動一位卽五廣陲無礙門遠卽近卽徧卽往無障無礙謂事與理非一卽非異故不一塵望於一切由溥徧義卽是廣容以鏡燈喻如四方四維上下各安一鏡中安一燈卽十鏡互又如十鏡徧九鏡七攝入無礙門謂彼一切以入他故卽是攝他一切全入一中之時卽令彼一還復在自一切之內同時無礙如九鏡入彼一鏡中時卽攝彼一鏡還在能入九鏡之內同時交互故云無礙八交涉無礙門謂一法望一切有一攝一切一入一切一入一切爲能攝一切如一切攝一一切入一反上釋之一

攝一。一入一。如東鏡攝彼西鏡入我東鏡中

一切攝一切。一切入一切。但以前三句用此句圓滿

也。九相在無礙門。謂一切望一亦有入有攝此

攝入今則欲入彼時必別攝餘法帶之將

入彼中發起重重無盡之勢也亦有四句攝一

入一。如東鏡能攝南鏡帶之將入西鏡之中卽

入此卽釋迦攝文攝一切入一。如東鏡攝餘入

殊入普賢中也。攝一切入一。鏡帶之將入西

鏡中時卽東鏡爲能攝能入入鏡爲所攝西鏡

爲所入也則一佛攝一切佛一切衆生帶之同

生中攝一入一切。將入入鏡中也。攝一切入

一切。此明諸法互相攝入一時圓滿重重無盡

有多多之燈無先後也。卽諸佛菩薩六道衆生，不有卽已有則一剎那中便徹過現未來十方一切凡十溥融無礙門。謂一切及一溥皆同時聖中也。重四句圖明顯現稱行境界無障無礙深思之。

長者合論歡喜地中六相義

普總舉
同別

此一字中有六相。一切字。一切法。皆有此六相。若善見者得智無礙總持門。於諸法不滯有無斷常等障。可以離情照之可見。此六字義闕一卽理智不圓。是初歡喜地中觀通世間一切法門。故此六字有

三對法。一總別一對。二同異一對。三成壞一對。總不相離不可廢一留一。亦不可雙立。雙捨。總是斷常生滅。今以人類之。餘可准知。○謂如一切衆生。名爲總相。愚智區分。名爲別相。皆同佛智。名爲同相。隨報業異。名爲異相。作業受報。名爲成相。心無所依。名爲壞相。○又如人身具足。名爲總相。手足眼耳。名爲別相。一空無體。名爲同相。應用有殊。名爲異相。共成一身。名爲成相。無體無相。名爲壞相。

五十
七卷

又宗鏡云。譬如一舍是總相。椽等是別相。椽等諸緣和同作舍。故名同相。椽等相望。一一不同。故名異相。椽等相成。故名成相。椽等自法。本不作故。故名壞相。駕字了函 第六卷

但了人空與法空。便達此岸爲彼岸。

金剛經頌。入法俱名執了。卽二無爲。菩薩能齊證。聲聞離一非。所知煩惱盡。空中無所依。常能作此觀。得聖定無疑。

宗鏡云。祖佛大意。唯說二空。證會一心。如世尊

言一切法無我。云何一切法。所謂心法。云何二無我。所謂人無我。法無我。若一切衆生。但得人法俱空。知一切法。卽心自性。復更有何異法。而敷演乎。駕字了函 第五卷

阿含經云。何此岸。云何彼岸。謂此岸者身邪是。彼岸者身邪滅是。斯字了函 第六卷

又云。佛告婆羅門。邪見者非彼岸。正見者是彼岸。川字了函 第八卷

當知實性非空有。永偶斯文墮斷常。

宗鏡云。眞實之性。非一非異。非有非空。此宗鏡
與旨自在圓融。謂欲一則一。欲異則異。欲存卽
存。欲泯便泯。異不礙一。泯不礙存。方爲自在。常
一常異。常存常泯。名爲圓融。又如弄珠鈴之者。
其珠不住空中。不落地上。不在手裏。既不在三
處。亦不住一處。然不住空中。卽喻不住空觀。不
落地上。卽喻不住假觀。不在手裏。卽喻不住中
觀。既不住三。亦不成一。則非一非三。而三而一。
斯爲妙矣。未偶斯旨。所有見聞。皆墮斷常。

車字
函第

卷八

若是眞心無滯礙 宛同水性善炎涼

宗鏡云。皆同一性。所謂無性。良以心境同一性。
故。是以眞心不守自性。舉體隨緣。成諸萬法。性
卽體也。以諸法唯心所現。各無自體。虛假相依。
無決定性。以無性故。能隨異緣。成立一切。若有
定性。猶如金石。各有堅性。不可令易。今此無性。
猶如於水。遇冷成冰。逢火便煖。故中論偈云。集
若有定性。先來所不斷。於今云何斷。道若有定

性。先來所不修。於今云何修。故知若有定性。一切諸法皆悉不成。若無定性。一切皆成。若衆生各各有性。自體不移。則永作衆生。無因成佛。後

函第
四卷

性空無而且不無。緣會有而終非有。

又云。萬法從緣。無自體耳。體而無自。故名性空。性之既空。雖緣會而非有。緣之既會。雖性空而不無。是以緣會之有。有而非有。性空之無。無而不無。何者。會則性空。故言非有。空則緣會。故曰

非無。今言不有不無者。非是離有別有一無也。亦非離無別有一有也。如是則明法非有無。故以非有非無名耳。不是非有非無。既非有無。又非非有非非無也。如是則何獨言語道斷。亦乃心行處滅也。如是則名體既空。言思自絕。可謂萬機泯跡。獨明真心矣。真諦性空之理。空而不礙。俗諦幻有之事。有而不有。不有之有。有不礙。空不空之空。空不絕有。彼此無寄。遞互相成。若心內定一法是有。卽墮常。若心外執一法。是無。

卽沉斷俱成見網不入圓宗

修字函
第二卷

心滅諸法以皆滅 心生萬境以從生

又云。問若心滅者。云何相續。若相續者。云何言滅。答實然。今言滅者。但心相滅。非心體滅。如水因風而有動相。以風滅故。動相卽滅。非水體滅。旣水體不滅。所以動相相續。釋曰。種種心境。皆由無明薰習力起。然依因緣。因是不覺。緣是妄境者。只謂不覺自心。妄生外境。故知境無自性。從心而生。和合而起。故云心生卽法生。因滅

大藏一覽

卷九

三

則緣滅矣。以水體不滅。動相相續者。此況真心自體。非動非止。因無明風起。生死動搖。若妄風息時。心之動相卽滅。非心體滅。以心體是所依。萬法是能依。若無所依。能依非有。故知一心之體。爲羣有之依。猶如太虛。作萬象之體。車字函
第三卷又舉昔東國元曉義相。二法師同來唐國。尋師遇夜宿荒。止於塚內。元曉法師因渴思漿。見一泓水。掬飲甚美。及至天明。觀是死尸之汁。心惡吐之。豁然大悟。乃曰。我聞佛言。三界唯心。萬法

唯識故知美惡在我實非水乎

後字函
第一卷

凡一切法皆佛法 總萬行門一心門

問如何是一切法皆是佛法。答。一切法唯心。心即是佛。心即是法。如學人問忠國師。經云一切法皆是佛法。殺害還是佛法不。答。一切施爲皆是佛智之用。如人用火香臭不嫌。亦如其水淨穢非汗。以表佛智也。是知火無分別。蘭艾俱焚。水同上德。方圓任器。所以支殊執劍於瞿曇。鶻掘持刀於釋氏。豈非佛事乎。若心外見法。而生

分別直饒廣作勝妙之事。亦非究竟。

後字函
第三卷

夫一心者。萬事之總也。分而爲戒定慧。開而爲

六度。散而爲萬行。萬行未嘗非一心。一心未嘗

違萬行。

車字函
第七卷

問法門無量。何故偏讚一心。答。此是起惑之初。發真之始。故經云。心作天堂。心作地獄。但了一心。萬法皆寂。如解脫長者。告善財言。我若欲見安樂世界。阿彌陀如來。隨意卽見。我若欲見栴檀世界。金剛光明如來。乃至十方如來。悉皆卽

見然彼如來不來至此。我身亦不往詣於彼。知一切佛及與我心悉皆如夢。知一切佛猶如影像。自心如水。知一切佛所有色相及以自心悉皆如幻。知一切佛及以已心悉皆如響。我如是知。如是憶念所見諸佛。皆由自心。善男子。當知菩薩修諸佛法。乃至成佛。悉由自心。駕字明第二卷

了知法法皆平等。自然物物非短長。

又云。以齊而齊不齊者。未齊矣。以齊而齊於齊者。未齊焉。余聞善齊天下者。以不齊而齊天下。

者也。何須夷嶽實淵。然後方平。續鳧截鶴。於焉始等。故知但了法法皆如。自然平等。則青松綠蕙。不見短長。鵬翥蛭飛。自忘大小。如肇論舉經云。諸法不異者。豈曰續鳧截鶴。夷嶽盈壑。然後無異哉。誠以不異於異。故雖異而不異耳。乃至經云。般若與諸法亦不一相。亦不異相。信矣。莊子南華經云。長者不為有餘。短者不為不足。故鳧脛雖短。續之則憂。鶴脛雖長。斷之則悲。故性長非所斷。性短非所續。以明境智雖異。而同不

待同而後同也。若能如上了達。同異二門。或諸佛出世不出世。衆生可度不可度。乃至有無高

下。皆絕疑矣。

富字函
第三卷

無量劫時彈指頃。十方世界一毛中

問悟此心宗。修行之人得圓滿普賢行不。答一切理智。無邊行願。皆不出普賢一毛孔。若實入華嚴境界。乃至凡聖之身。一一毛孔。皆能圓滿普賢之行。如海幢比丘入于三昧。從其身分。出十法界身雲。又如善見比丘。一念之中。一切世

界皆悉現前。又如喜目觀察衆生夜神。一一毛孔出無量種變化身雲。又如普賢一一分身。一毛孔悉有三千大千世界風輪。地水火輪。江海山林。村落城邑。地獄鬼畜。色欲等界。晝夜年劫。諸佛出世。菩薩衆會。如是等事。悉皆明見。如見此界。十方世界。悉如是見。如見現見。十方世界。前際後際。十方世界。亦如是見。各各差別。不相雜亂。如說海幢身分之上。善見一念之中。普賢毛孔之內。盡十方法界虛空界。所有一切凡

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大藏一覽 卷六

聖境界淨穢國土靡所不現無法不含如卷大海之波瀾收歸一滴撮十方之刹土指在一塵

車字兩第十卷

又云須彌納芥子而無增減亦不迫迮此義難解有師言神力能爾有師言小無小相大無大相故得入也今謂小是小大是大是自性大小不得相入也如華嚴云一微塵中大千經卷今觀衆生一念無明心即是如來心若見此心則能以須彌入芥子無相妨也

玄珠有意定難求 罔象無心而乃得

又云法無動念不可以有念求又非無念不可以無心得應可玄會耳如赤水求於玄珠罔象而得之故云藏於身不藏於川在於心不在乎水故莊子云黃帝遊於赤水之北登崑崙之丘南望還歸遺其玄珠使智索之而不得使離婁索之而不得乃因罔象得之夫真不可以定求故無心以得之如弄珠吟云罔象無心却得珠能見能聞是虛偽然雖不落於見聞又且非無

大藏一覽 卷六 三十一

覺與知。

單字函
第七卷

又問。無心者。爲當離心。是無心。卽心得無心。答。卽心得無心。問。卽心是有心。云。何得無心。答。不壞心相。而無分別。問。豈不辨知也。答。卽辨知無能所。是無心也。豈渾無用。始是無心。譬如明鏡照物。豈有心耶。當知一切衆生。恒自無心。心體本來常寂。寂而常用。用而常寂。隨境鑒辨。皆是實性自爾。非是有心。方始用也。馬字函
第五卷
又舉寶藏論云。離者無身。微者無心。無身故大。

身。無心故大。心。大心故則智周萬物。大身故則應備無窮。是以執身爲身者。則失其大。應。執心爲心者。則失其大智。故千經萬論。莫不說離身心。破彼執著。乃入真實。譬如金師銷鑛。取金方爲器用。若執有身者。則有身礙。有身礙。故則法身隱於形骸之中。若有心者。則有心礙。有心礙。故則真智隱於念慮之中。故大道不通。妙理沉隱。六神內亂。六境外緣。晝夜惶惶。無有止息矣。

同上

卷一

卷九

卷五

求佛不可無念成 證道安可以功得

又舉永嘉云。誰無念。誰無生。若實無生。無不生。喚取機關木人問。求佛施功早晚成。若以息念歸無念。如同寒木死灰。與木人何別。豈有成佛之期。然無念者。卽念而無念。以念無自性。緣起卽空。又緣起者。皆是真性中緣起。豈屬有無。乃至卽生無生。卽滅無滅。亦復如是。故寶藏論云。若言其生。無狀無形。若言其滅。今古常靈。又云。是以斬首灰形。其無以損生。金丹玉液。其無以

養生。故真生不滅。真滅不生。可謂常滅。可謂常生。其有愛生惡滅者。斯不悟常滅。愛滅惡生者。斯不悟常生。華嚴疏云。生之無生。真性湛然。無生之生。業果宛然。是知若卽念存有念。卽是常見。離生求無生。卽是斷見。皆不達實相。無生無滅之理。若正了無生。則無生無不生。豈定執有生無生二見乎。○又云。玄道者。不可以設功得。聖智者。不可以有心知。真諦者。不可以存我會。至功者。不可以營事爲。忘言者。可以道合。虛懷

者可以理通冥心者可以真一遺智者可以聖
同雖云道合無心於合合者合焉雖云聖同不
求於同同者同焉無心於合則無合無散不求
於同則無異無同超非於百非之外非所不能
非焉忘是於萬是之前是所不能是焉是所不
能是則無是矣非所不能非則無非矣無異無
同則怨親不二無非無是則毀讚常一是以忘
言者捨筌蹄也虛懷者離取著也冥心者不巳
見也遺智者泯能證也若運心合道則背道若

起念求同則未同若爲是所是則沒是若爲非
所非則沉非但得直下無心則同異俱空是非
咸泯斯泯亦泯茲空亦空此猶寄言因跡對待
若得絕待頓悟一心唯契相應不俟更說

車字
函第

卷七

雖然迷悟之本同爭奈時節之有異

又云究之於心塵勞爲菩提之妙用失之於旨
常樂作生滅之苦輪故知染淨非他得喪在我
似手反覆如人醉醒何者反亦是手覆亦是手

要且反時非覆時。覆時非反時。然俱不離手。醉亦是人。醒亦是人。要且醉時非醒時。醒時非醉時。然不離醉有醒。亦不即醉是醒。如迷亦是心。悟亦是心。要且迷時非悟時。悟時非迷時。然迷悟非別。即時節有異。唯在般若轉變臨時。一體匪移。于差自別。迷之枉遭沉沒。念念成凡。悟之本自圓明。心證聖。肥字函 第五卷 餘皆音因。已悟方修。用不虛。又云。學人問本淨和尚云。師還修行也無對云。

我修行與汝別。汝先修而後悟。我先悟而後修。是以若先修而後悟。斯則有功之功。功歸生滅。若先悟而後修。此乃無功之功。功不虛棄。若具智眼之人。豈得妄生叨濫。況似明目之者。終不墮於溝坑。古人云。一生可辦。豈虛言哉。後字函 第三卷

持誦品

為何言教戒休看 祇恐牛皮遭覷破

宗鏡問若欲明宗。只合純提祖意。何用兼引諸佛菩薩言教。以為指南。故宗門中云。借蝦為眼。

無自己分。只成文字聖人。不入祖位。答從上非
是一向不許看教。恐慮不詳佛語。隨文生解。失
於佛意。以護初心。或若因詮得旨。不作心境對
治。直了佛心。又有何過。只如藥山和尚。一生看
涅槃經。手不釋卷。時有學人問和尚尋常不許
學人看教。和尚爲什麼自看。師云。只爲遮眼。問
學人還看得不。師云。汝若看牛皮也須穿。且如
西天第一祖師。是釋迦牟尼佛。首傳摩訶迦葉
爲初祖。次第相傳。迄至此土六祖。皆是佛弟子。

今引本師之語。訓示弟子。令因言薦道。見法知
宗。不外馳求。親明佛意。得旨卽入祖位。誰論頓
漸之門。見性現證圓通。豈標前後之位。若如是
者。何有相違。且如西天二十八祖。此土六祖。乃
至馬大師。忠國師等。並博通經論。圓悟自心。所
有示徒。皆引誠證。終不自冒臆。妄有指陳。是
以綿歷歲華。真風不墜。以聖言爲定量。邪僞難
移。用至教爲指南。依憑有據。故圭峯云。諸宗始
祖。卽是釋迦。經是佛語。禪是佛意。諸佛心口。必

大藏一覽 卷九
不相違。達磨過來。以楞伽經印衆生心。楞伽云。佛語心爲宗。無門爲法門。心爲宗者。卽心卽佛。無門爲法門者。達本性空。性無有相。亦無有門。時有禪客問曰。阿那箇是佛心。師曰。牆壁瓦礫。無情之物。並是佛心。禪客曰。與經大相違也。經云。離牆壁瓦礫無情之物。名爲佛性。今云一切無情之物。皆是佛心。未審心之與性。爲別不別。師曰。迷人卽別。悟人不別。禪客曰。又與經相違也。經云。善男子。心非佛性。佛性是常。心是無常。

今云不別。未審此意如何。師曰。汝自依語不依義。譬如寒月結水爲冰。及至煖時。釋冰成水。衆生迷時。結性成心。悟時。釋心成性。汝定執無情之物。非心者。經不應言三界唯心。故華嚴經云。應觀法界性。一切唯心造。今且問汝。無情之物。爲在三界內。爲在三界外。爲復是心。不是心。若非心者。經不應言三界唯心。若是心者。又不應言無情無佛性。汝自違經。我不違也。○若欲研究佛乘。披尋寶藏。一一須消歸自己。言言使冥。

合真心。但莫執義上之文。隨語生見。直須探詮
下之旨。契會本宗。則無師之智現前。天真之道
不昧。如華嚴經云。知一切法。卽心自性。成就慧
身。不由他悟。故知教有助道之力。初心安可暫
忘。細詳法利無邊。是乃搜揚纂集。祿守函
第一卷

詳夫看教。應驗甚多。山筆海墨。書亦不盡。今
且畧引金剛華嚴二典。數則。庶使未聞者聞。
虛空寫處堪逃雨。屋宇俱焚不壞經。

益州新繁縣王李村。隋時有書生荀氏。善工書。

而不顯迹。嘗於村東空中書金剛般若經。乃曰。
此經擬諸天讀誦。人初不覺。後經雷雨。書經之
地殊無點濕。可有丈許。村人怪之。每雨。樵夫牧
兒皆逃其中。武德中。異僧謂鄉人曰。此地空中
有金剛經。諸天於上設寶蓋覆之。不可輕犯。自
爾周回欄楯。以防人畜履踐。每至齋日。四遠皆
來。就設佛供。常聞天樂耳。○唐吳郡陸懷素。貞
觀二十年失火。屋宇並滅。經函乃至。標軸亦盡。
唯金剛經字如故。見聞者莫不如額。其異若此。

○無當大鬼難親近 ○力士金剛密護持
唐王陀因病斷葷血發心心念金剛經。日日五遍。
後染瘴疾。見羣鬼來。陀卽急急念。鬼聞皆退。遙曰。
王令追汝。且止念經。陀卽爲歇。鬼得向前。陀乃
昏迷欲絕。又見一鬼來報。念經人。王令權放。旣
醒。日夜持誦不息。乃聞空中曰。汝以持經功德。
壽九十矣。竟如其言。○梁鍾山開善寺沙門智
藏。有野姥工相人。爲記吉凶百不失一。謂藏曰。
命可三十一矣。時年二十有九。聞斯促報。竭誠

修行。探得金剛般若。畢生受持。至所厄暮年。香
湯沐浴。淨室誦經。以待死至。空中告曰。汝往年
三十一者。是報至之期。由般若力。得延倍壽。藏
後出山。遇前相者。乃大驚曰。沙門誠不可相。後
壽六十有五。於是江左道俗。普誦此經。○唐魏
恂。爲監門衛大將軍。精持金剛。時京師有蔡策
者。暴亡復蘇。云初至冥司。怪以追人不得。將撻
其使者。使云。將軍魏恂。持金剛經。善神擁護。追
之不得。卽別遣使再追。須臾還報。並同。冥官曰。

且罷追恂聞尤加精進

非特救夫淹巨浪。也能援子脫深蕃。

宋衍江淮人。爲鹽鐵院書手。月雇兩千。通有押綱者。且不識字。請衍同去。通管簿書。月給八千。衍謂妻曰。我數月不得八千。苟一月而致。極爲利也。妻楊氏甚賢。勸不令往。曰。舟路險惡。身或驚危。利亦何救。衍不納而去。殆至其所。果遇暴風。羣船盡沒。唯衍入水。捫得粟藁一束。泛之達岸。抱藁謝曰。吾之微命。爾所賜也。存歿不捨。負

帶而歸。行數里。宿一孤姥鬻茶之店。明旦解藁畧曬。於中得一竹筒。開之。金剛經也。姥曰。汝妻自汝來後。誠寫是經。蓬頭禮念。故能救汝。衍感泣。達家見妻媿謝。驚問何知詳告始末。楊氏怪之。衍曰。經爲何記。曰。寫時執筆者。誤羅漢數字。請禪和尚添入。以老目昏。點劃過濃。此十來日。失不知所開驗如說。衍嗚咽拜妻。轉加精勤禮誦。遂遣人致謝河濱之母。詢問此處何嘗有人與店。乃神化也。數歲相國鄭公綱。爲東都留守。

召衍并妻問於始末與其男武職事月給五千
因求其經至今爲鄭氏所尊奉敬。○唐永泰初
豐州烽子因陷西蕃自此有功轉近牙帳贊普
子愛其了事遂令執纛因與酪肉悲泣不食贊
普問之云有老母頻夜夢見贊普頗仁聞之悵
然召帳中語曰蕃法嚴無放還例我與汝馬方
者二匹於某道縱汝歸無言我也烽子得馬極
騁俱乏死遂晝潛夜走爲刺傷足倒於積中忽
風吹物窅窅過其前輒收裏足覺不復痛試走

如故到家見母尚存悲且喜曰自汝一失我唯
念金剛經以祈相見今果其誓因以取經見斷
數幅不曉其由子言積中傷足母令解看厥瘡
已愈所裹瘡紙正母所失之經殊聖乃爾

滅於佛法愆深重 存乎功德福非輕

隋開皇中太府寺丞趙文昌死而復活云有人
引至閻羅王所王問一生以來作何福業答云
家貧無力可營功德唯持金剛般若王聞合掌
讚言善哉功德甚大卽放還生使人引至南門

首見周武帝。在門側房中。三重鉗鎖。喚昌云。卿
既還家。爲吾向隋皇帝說吾諸罪。並欲辯了。唯
滅佛法罪重。未可得竟。爲營功德。得出地獄。及
出門外。見大糞坑。有人頭髮上出。問引入云。此
是秦將白起罪。猶未了。昌歸得活。遂奏其事。勅
天下爲周武帝。轉金剛經。設大供。仍入隋史。○
唐開元中。勅天下佛堂小者。除拆功德。移入大
寺。不信之徒。望風除殿。有豫州新息令李虛。會
酒好殺。行事違戾。當時非惜佛屋。偶以醉中限

嚴而怒。故令界內存之。雖存亦不爲意。歲餘病
死。復生云。閻王未坐。先見階前判官。乃新息吏
也。吏曰。長官平生。唯以殺害爲心。不知罪福。今
當受報。將如之何。虛大懼。請救之。吏曰。去歲拆
佛堂。長官界內。獨存此功。彌天少頃。引虛見王。
王索李明府善惡簿。讀曰。虛曾殺羊。割肉。王曰。
何割他肉。虛答。有勅拆佛堂。毀佛像。獨虛界內
存之。可折罪不。王曰。是不。吏覆福簿。在天堂。檢
至讀之。果有合折一生。中罪延年三十。仍生善

道言畢罪簿出火燒之殆盡令人送還遂蘇

九則金剛
感應傳

既誦華嚴凡冠聖因遺盟掌蟻生天

永徽年中太白山有兩僧各道祥慧悟祥持涅槃授華嚴忽有居士作禮請一僧齋僧云二人不知請誰居士云請華嚴師悟乃赴請於是居士置悟於衣上坐令其冥目只聞耳颼颼風聲少頃放地開目不知到處唯見屋宇嚴麗延悟入堂禮佛纔畢忽五百僧翔空而至悟遂下

坐居士語曰此日齋意在師一人雖五百羅漢臨時請耳師持華嚴是佛境界何得於小聖下坐引悟坐於聖衆之上齋罷居士令一童子送還童子請悟開口飛入口中悟卽騰身空中謂祥曰神仙請齋遂獲神通今欲斲之金闕昇空而去○昔有三藏梵僧至京時藏公猶爲童子頂禮三藏請受菩薩戒衆謂三藏曰此童子誦得華嚴兼解其義三藏驚歎曰華嚴一乘是諸秘藏尚難遭逢況通其義若有人誦得淨行一

品已得菩薩淨戒俱足。不復更受。西域傳記。有人轉華嚴經。以洗手水滴一蟻子。命終生天。而泥人能受持通義。此子後必廣大饒益衆生。

○積功可救眉鬚厄。○一偈能停地獄酸。

天授二年。曾州牧宰。迎請藏公講釋華嚴。因論邪正。時有小道士在側。歸觀云。講師誹毀道尊。觀主甚怒。領衆來至講所。面興慍色。口發惡言。謂藏公曰。但自講經。何故論道門事。藏曰。貧道自講華嚴。無他論毀觀王。問曰。一切諸法。悉已

平等耶。藏曰。諸法亦平等。亦不平等。觀王又問。何法平等。何法不平等。答曰。一切法。不出一種。一者真諦。二者俗諦。若約真諦。無此無彼。無自無他。非淨非穢。一切皆離。故平等也。若約俗諦。有善有惡。有尊有卑。有邪有正。豈得平等。道士詞窮無對。猶瞋不解。於如來所。生毒害言。歸去經宿。明朝洗面。眉髮俱落。通身瘡疱。方生悔心。歸敬三寶。求哀藏公。誓願受持華嚴經一百遍。猶有十徧未畢。忽感眉髮重生。身瘡頓愈。○昔

京師郭神亮死去七日。復還云。使者追至平等王所。問罪福已。送入地獄。見一僧云。我今救汝。地獄之苦。教誦一偈。○若人欲了知三世一切佛。應當如是觀。心造諸如來。○神亮志心。乃誦此偈數徧。神亮及同受罪者。數十萬人。皆得離苦。不入地獄。當知此偈。能破地獄。是時藏法師云。出在華嚴經十行品。塵律師歎曰。纔聞一偈。脫千萬人苦。況受持全部。講通深義耶。

○威靈可以降天敵。○俗眼那能辨聖凡。

聖曆中有沙彌。名彌伽。雖未受具。身意清淨。專誦華嚴。一日帝釋遣使迎請。伽曰。未審天帝何緣見命。使曰。帝與修羅時戰。欲求法力。加被。縱有羅漢。未辦斯事。唯見法師。專持華嚴。可爲人天福田。所以見迎耳。於是受請。閉目俄頃。便至天宮。延請入殿。誦華嚴經。坐于寶臺。乘空而行。向其敵所。修羅軍衆。覩此威靈。怖竄藕孔之中。帝喜。迎師還宮。供養。施以七珍異寶。又白師言。若須長生之藥。當以奉上。師曰。割愛出家。求無

上道世間珍異。及長生事。非所志焉。帝釋禮謝。曰。成菩提時。願相救度。遣使送還。○上元中。洛州敬愛寺。有律僧歸覲。及鄭州界。迫暮投店。次有僧至。不知其名。並房安泊。其後來僧。謂主人曰。貧道疲餒。酒酤三升。肉買一斤。飲噉迨盡。律師怒而訶之。身披法服。恣噉酒肉。不知慙愧。其僧默而不答。少頃。索水嗽口。端身跏坐。緩發梵音。誦大方廣佛華嚴經。入如是我聞。至寂滅道場。其僧口角兩邊。俱發光明。透射房舍。洎至三

更。猶聞誦經聲。聲不絕。光明轉熾。誦至六帙。卽歇收光。其僧乃卧。天明。律師涕泣懺過。輕謗聖賢。願罪消滅。以上六則出華嚴感應傳

○誦持無驗爲如何○種植有虧安可得

妙臂所問經云。行人持誦。不獲成就者。譬如種子。因地因時。風雨不愆。澆潤無失。乃可生芽。以至成熟。或種子不以其時。不植於地。使彼芽莖。無由得生。何況枝葉及果實耶。持誦行人。若不依法。又不清淨。於諸供養。曾無虔潔。於其所誦

眞言文字。或有闕剩。至於呼吸。訛畧不正。是以
悉地。而不現前。不獲成就。亦復如是。八字函
第二卷

○因甚言教益非益。○良爲衆生勤不勤

華嚴經云。文殊師利。問勤首菩薩言。佛教是一
衆生得見云何。不卽悉斷諸煩惱縛。而得出離
或有利益。或無利益。勤首以偈答曰。○若欲求
除滅無量諸過惡。當於佛法中。勇猛常精進。如
鑽燧求火。未出而數息。火勢隨止滅。懈怠者亦
然。○復問法首菩薩言。如佛所說。若有衆生受

持正法。能斷煩惱。何故受持而不斷者。法首頌
答。○如人水所漂。懼溺而渴死。於法不修行。多
聞亦如是。如人數他寶。自無半錢分。於法不修
行。多聞亦如是。平字函
第三卷

○佛法豈非無果證。○善根成熟。在他生

智度論問。若佛法得今世果。何故諸佛弟子。有
無得者。答曰。行者能如佛所說。次第修行。無不
得報。如疾病人。隨良醫教。將和治法。病無不差。
若不隨佛教。不次第行。破戒亂心。故無所得。非

法不良也。復次諸未得道。今世雖不得涅槃。後世得受福樂。若速若遲。當得涅槃。終不虛也。建字

函第一卷第

○法不受人忘記報○業消誦篋頓明心

佛說處處經云。朱利槃特學道。經二十四年。得五言解。何以故。宿見五百佛。悉通衆典。閉藏經道。不肯教人。後病二十四日。臨死乃悔。呼人教之。有是一福。故知五言。何況具足。教人得福。不可計。無字。兩字。第四卷。

又阿含經云。佛弟子朱利槃特。世尊使執掃篋。汝誦此字。是時槃特。若誦得掃。便忘於篋。若誦得篋。復忘於掃。誦經數日。以此掃篋。復名除垢。槃特作念。何者是除。何者是垢。垢者灰土瓦石也。除者清淨也。世尊以此教我。我今思惟此義。我身亦有塵垢。我自作喻。縛結是垢。智慧是除。我今可以智慧之篋。掃此結縛。得解脫智。生死已盡。梵行已立。證阿羅漢。斯字。函第一卷。

○慙愧螺蚌尚知經○可憫最靈蹉過佛

真歇禪師跋金剛經驗云。昔王待制。船自漢江。爲風浪擊作。危急之甚。遂將平昔所誦金剛經。投於水中。而風息浪靜。後至鎮江。見舟尾百步外。似有一物。出入無時。使漁者取之。卽無數螺螄團成一毬。剖之外濕而內乾。視中。廼昨所投金剛經。毫髮無所損。歎曰。且漢水會于九江。至南徐動數千里。窮古逮今。舟船往來。不可數計。然未聞有持是經。自彼而至此者。螺螄一見。而不捨。其爲名耶。利耶。財耶。色耶。將必求於脫輪。

回生死也。嗚呼。萬物之中。唯人最靈。其有畢生。不聞是經。有聞而不見。見而不信。信而爲名利。財色蕩沒。不能受持者。尚螺螄之不如。謂之最靈者。孰與之哉。

懈怠耕者經云。有一耕人。見佛行過。心中雖喜。不去禮佛。乃云。田耕未竟。種又未下。若要見佛。須待閑暇。佛難值遇。懈怠如此。已過六佛。不得度者。此卽非今世也。

自釋迦至彌勒。方見二佛。踉蹌六佛。不知幾多劫。甚

函字

大藏一覽

卷九

五十一

大藏一覽 卷九 五十三
○當知經書卽救書○可免鐵圍并鐵棒

佛日禪師普說云有任觀察傾心釋氏徧叅知識每歎曰余幸得爲人其形體不全及不識所生父母想前世輕薄於人招此報應誓遇休日歸私家絕人事炷香禮佛刺血寫華嚴經一部每一字禮三拜願來生識所生父母忽一日有客相訪任出遲客怒曰人來相訪何懈怠如此任笑曰在家中寫一卷救書客詢其故乃露誠出經示之曰此閻老子面前吞鐵丸喫鐵棒底

○古者爲法喪形軀○今人何幸現公案

宗鏡云仰思曠古求法之人釋迦文等投身大火翹足深林析骨剝身剥皮刺血乃至常啼東請善財南求藥上燒手普明勿頭皆是知恩報德之人爲法亡軀之士今勸後學生殷重心勿得自輕虛擲光景

車字一函
第四卷

又云圓宗罕遇若芥子投於針鋒正法難聞猶盲龜值於木孔若非夙熏來種久積善根焉偶斯文親得傳受所以古人重教輕財則輸金若

大疏一覽 卷九 五十四
市或亾身爲法則立雪幽庭且全是身外之浮財豈齊至教命是一期之業報曷等真詮富字函第

卷六

○利之至險尚可求○道旣在心何難得

又舉管子云利之所在雖在千仞之山無所不上深源之下無所不入商人通賈倍道兼行夜以續日千里不遠利在前也漁人入海海水百仞衝波逆流宿夜不出利在水也此乃世間勤苦求利之志耳如或堅求志道曉夕忘疲不向

赦書客聞其語扣頭回舍亦如任寫經

○迷誦千章何所益○洞明一句乃成功

出曜經偈云雖誦千章不義何益寧解一句聞

可得道殿字函第五卷

問曰作如是說有看經而不曉理者徒勞何益答曰看經豈是無益第恐隨行數墨只貪徧數爲功不窮其義義旣不窮安得成道問曰吾佛談玄說妙衆生根有利鈍終竟不能窮其義者又作麼生答曰義雖未明其誠若至足可扶危

益筭亦爲入道之初。如今生根鈍不明理趣者。蓋於前世生中。教典未嘗入手。夙旣不覽。今曷強明。但且隨分看去。下箇最初種子。乃爲後世苗裔。次第結果。成佛有分。豈不見善財龍女。古今知識。才出頭來。一聞千悟。蓋已致力於多生。豈此一旦頓能成辦爾。

○寶闇無燈曷得知○佛法雖慧莫能了

華嚴經偈云。譬如闇中寶。無燈不可見。佛法無

人說。雖慧莫能了。平字函 第六卷

外求。虛襟澄慮。密室靜坐。端拱凝神。利在心也。如利之所在。求無不獲。況道之在心。信無不得矣。故知訓格之言。不得暫捨。可以鏤於骨。書於紳。染於神。熏於識。所以楚莊輕千乘之國。而重申叔一言。范獻賤萬畝之田。以貴舟人片說。此乃成家立國。尚欽珍重言。況宗鏡中。言下契無生聞之成大道。寧容輕慢乎。上同

○雖然流出大藏教○爭奈元無一字談

楞伽經云。大慧白佛。如世尊說。我於某夜。成最

正覺乃至某夜當入涅槃。於其中間不說一字。亦不已說。亦不當說。不說是佛說。世尊。依何密意。作如是語。佛言。大慧。依二密法故。作如是說。云何二法。謂自證法。及本住法。云何自證法。謂諸佛所證。我亦同證。不增不減。證智所行。離言說相。離分別相。離名字相。云何本住法。謂法本性。如金在鑛。若佛出世。若不出世。法住法位。法界法性。皆悉常住。大慧。譬如有人。行曠野中。見向古城。平坦舊道。即便隨入。止息遊戲。大慧。於

汝意云何。彼作是道。及以城中種種物耶。白言。不也。佛言。大慧。我及諸佛。所證真如。常住法性。亦復如是。是故說言。始從成佛。乃至涅槃。於其中間。不說一字。重說頌言。某夜成正覺。某夜般涅槃。於此二中間。我都無所說。自證本住法。故作是密語。我及諸如來。無有少差別。四字。羽。第。四。卷。

唐梵品

○南無佛陀并菩薩。乃至聲聞八部天。

南無

此云歸命信順故。約法以南為難。離中虛。無即明也。表心達虛無之理。即心智明。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

故出論佛此云覺婆伽婆亦各薄伽梵此云成說

釋迦牟尼寂默即心體本寂弁字音彌勒此云慈應物

阿彌陀壽故已上二出當字函菩薩薩埵秦言來生以求菩提未得故名

提摩訶摩訶此云大須陀洹聖之流更上

摩訶薩菩薩也立字函斯陀含此云一來謂一往天上

那含此云不還只此阿羅漢有四義一者殺賊

供四者不生總言殺煩惱滅遠離

諸惡堪應供養更不受三界生也

捷達縛亦云迦

阿素洛亦云阿須倫揭路荼亦云迦

樂神也

翅鳥緊捺洛亦云緊那羅乃歌神頭牟呼洛亦

摩睺羅伽此云又云闍又此云夜苾芻香草

德日出行家僧伽此云眾今畧稱僧優婆塞具五

人日字音近事女謂在俗親近三寶盡壽持五戒也日字

音補特伽羅此云數取趣謂數數摩訶婆此云

淨行翔達絮此云微信篋餘車此云全不信人

闍提此云無善旃荼羅此云執惡屠殺補羯娑

捨糞棄死尸之

利利種此云守田主此婆羅門

種惡法入山求道居士種在家修業首陀羅種伎藝

種惡法入山求道

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大藏一覽 卷九

以上四種混沌初時
總分四姓復字爾

○經具因緣十二分○修證菩提多種門

修多羅 亦云素怛纜 祇夜 此云重頌 弊迦蘭那 此云受記

伽陀 此云重頌 優陀那 此云無自說 尼陀那 此云因緣 阿波

陀那 此云警諭 伊帝目多伽 此云本事 闍陀伽 此云本生 毗佛

略 此云方廣大乘 阿浮陀達磨 此云勝法 優波提舍 此云分別廣說

以上十二參 阿毗曇 此云法無此 摩訶衍 此云大也

衍此云乘 檀波羅蜜 此云施也 有信有財有

是名檀也 波羅蜜 此云彼岸也 尸羅 此云清淨戒亦

此云到也 總言施能到彼岸故

云毗尼此云調伏謂謂三業不造惡

故亦各波羅提木又此云解脫生死

安忍 毗梨耶 此云精進 禪那 此云靜慮 般若 此云慧以上

陀羅尼門 此云總持 楞嚴 此云健行 三昧 此云或云

提或云三摩地 此云正定謂任緣一境離諸邪

亂也亦云等持等者正持心也持謂持諸

階字爾 奢摩他 此云止息 三摩跋提 此云從幻起 毗婆

舍那 此云三種觀察 三摩鉢提 此云從幻起 瑜

伽 此云相應謂一切乘境行 阿蘭那行 此云堅固 阿

杜多 此云修治謂修心 那羅延 此云堅固 阿

鞞跋致 此云不退 薩婆若 此云智夜字音 阿耨

鞞跋致 此云不退 薩婆若 此云智夜字音 阿耨

鞞跋致 此云不退 薩婆若 此云智夜字音 阿耨

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

多羅三藐三菩提

正也三徧也等也菩提覺也 轉奴沃反藐彌畧反阿此云

總言無上正等覺故弃字音

○涅槃建塔附雜緣○地里時分諸數量

般涅槃 具云般利涅槃那謂般利普也究竟也

支諸煩惱故弃字音 又云茶毗 焚燒實字音

設利羅 此云舍利 宰堵波 相此云塔臨字音

提 此云可供養處亦云靈廟制 制多 此云可供

僧伽藍 此云衆園 精舍 息心所棲之 娑婆 此云

震旦國 或云支那或云真丹此翻為思惟以其

也 因陀羅 此云帝以上 琰魔 或云閻羅此云雙

字捺洛迦 捺洛此云人迦此云惡惡人生彼故

與各對 薜荔 服字音 阿賴耶 識孝字音 羯

邏藍 此云和合謂和合精血受胎七日亦 薩迦

耶見 此云身見謂於五取蘊隨執 波羅夷罪 上

棄諸善法永無懺悔其餘輕重罪 懺悔 懺謂懺

各突吉羅等義並見本集持戒品 懺悔 懺謂懺

請忍謂請前人忍受 布薩 此云我對說謂相 羯

磨 此云作法 曼陀羅花 此云雜 瞻蔔花 此云

花 優鉢羅花 此云黃 拘物頭花 此云地喜花以

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

摩尼寶

此云維尼寶合論

鉢和羅飯

此云自恣食納字音藥石

以石為針今人以鐵呼合口鼻中出歌羅分

皆謂捺病也呼聲呼萬字音歌羅分云

云一手為百分之一分也呼或一呼二尺果一

云十六分中之一分也呼亦云由旬此方牟呼栗多

須史頃三十年呼洛义此云萬俱抵下珍遲反那

庾多此云兆那由他此云京以上垓劫十兆曰京

口垓乃大數無鞅無盡之數阿僧祇阿祇此云無

數合言無數形字兩河字音亦云僧企耶翔字音

大藏一覽卷第九

終

大藏一覽卷第十

寧德優婆塞陳 實 謹編

第八宗說門之餘

秀水居士姚舜漁重刊

姚登用校正

宗眼品

稽首釋迦大慈悲 不立文字直指示

統要云。世尊纔下生。乃一手指天。一手指地。周
行七步。目顧四方。云。天上天下。唯我獨尊。雲門

云。我當時若見。一棒打殺。與狗子喫。貴要天下

太平瑯琊覺云。雲門可謂將此身心奉塵刹。是則名為報佛恩。○又因外道問。不問有言。不問無言。世尊據坐。外道讚歎云。世尊大慈大悲。聞我迷雲。令我得入。乃作禮而去。阿難白佛。外道得何道理。稱讚而去。世尊云。如世良馬。見鞭影而行。○又一日陞座。文殊白椎云。諦觀法王法。法王法如是。世尊便下座。○又一日示隨色摩尼珠問。五方天王。此珠作何色。時五天王互說異色。世尊藏珠入袖。却擡手云。此珠何色。王答

手中無珠。何處有色。世尊歎云。汝何迷倒之甚。吾將此珠示之。便說青黃赤白。吾將真珠示之。便總不知。時五天王言下悟道。已上出第一卷

正傳品

○爰自西天四七祖。○直至唐土二三師。

傳燈云。初祖迦葉尊者。於靈山會上。百萬眾前。因世尊拈花。獨迦葉破顏微笑。世尊云。吾正法眼藏。涅槃妙心。分付於汝。汝可流布。無令斷絕。仍授金縷僧伽梨衣。入雞足山。俟當來佛慈氏。

下生傳付也。○二祖阿難尊者。問迦葉師兄。世尊傳金襴袈裟外。別傳箇什麼。迦葉召云。阿難。阿難應諾。迦葉云。倒却門前刹竿著。○三祖商那和修尊者。得優波毼多。爲給侍。因問毼多。汝年幾耶。曰。我年十七。師曰。汝身十七。性十七耶。答曰。師髮已白。爲髮白耶。心白耶。師曰。我但髮白。非心白耳。毼多曰。我身十七。非性十七也。○四祖優波毼多尊者。化度甚衆。波旬恐怖。將害正法。尊者入定。波旬密持纓絡。縻之于頸。及尊

者出定。乃取人狗蛇三尸。化爲花鬘。輒言慰諭。吾有花鬘奉酬。波旬引頸受之。卽變三種臭尸。波旬厭惡。盡已神力。不能得脫。升釋梵天。求其解免。彼各告言。十力弟子神變。我輩凡陋。何能去之。梵王說偈。若因地倒。還因地起。離地求起。終無此理。波旬受教。投禮尊者。哀露懺悔。毼多令其歸三寶竟。尸鬘頓脫。禮謝而去。尊者每度一人。以一籌置於石室。其室縱十八肘。廣十二肘。充滿其中。尊者入滅。以籌焚之。舍利建塔。○

五祖提多迦尊者。因求出家。毘多問曰。汝身出家。心出家。答曰。我來出家。非爲身心。毘多曰。不爲身心。復誰出家。答曰。夫出家者。無我我故。卽心不生滅。心不生滅。卽是常道。諸佛亦常。心無形相。其體亦然。○六祖彌遮迦尊者。領八千大僊爲徒。聞提多迦入國。率衆迎奉。謂提多迦曰。昔與師同生梵天。我遇阿私陀仙。授我仙法。師逢十力弟子。修習禪那。自此報分殊途。已經六劫。尊者曰。支離累劫。誠哉不虛。彌遮迦乃捨邪

歸正以嗣祖位。○七祖婆須蜜尊者。常服淨衣。執酒器行。或吟或嘯。人謂之狂。遇彌遮迦問曰。師何方來。欲往何所。彌遮迦曰。從自心來。欲往無處。師曰。識我手中物否。彌遮迦曰。此是觸器。而負淨者。師曰。還識我否。彌遮迦曰。我卽不識。識卽非我。又問名氏。師答。名婆須蜜。彌遮迦曰。我師提多迦說。佛說阿難。吾滅後三百年。有一聖人。名婆須蜜。而於禪祖。當獲第七。乃投出家。度脫成道。○八祖佛陀難提尊者。遇婆須蜜。卽

前白言。與師論義。婆須密曰。論卽不義。義卽不
論。若擬論義。終非義論。師知義勝。求度爲嗣。○
九祖伏馱密多尊者。昔曾值佛。悲願廣大。慮父
母情愛難捨。故年已五十。口未嘗言。足未嘗履
佛陀行化至家。見有光騰。謂其徒曰。此家當有
聖人。口無言說。真大乘器。不行四衢。知觸穢耳。
父出致禮。問何所須。佛陀答言。我求侍者。曰我
子伏馱。年已五十。不言不行。才見佛陀。遽禮說
偈。父母非我親。誰是最親者。諸佛非我道。誰爲

最道者。佛陀答偈。汝言與心親。父母非可比。汝
行與道合。諸佛心卽是。外求有相佛。與汝不相
似。欲識汝本心。非合亦非離。伏馱聞偈。便行七
步。父捨出家入道。十祖脅尊者。將誕。父夢一
白象背有寶座。座上安一明珠。從門而入。旣覺
乃生。後爲佛陀執侍。未嘗眠睡。脇不至席。遂號
脇尊者。十一祖富那夜奢尊者。謁脇尊者。問
汝從何來。師曰。我心非往。脇曰。汝何處往。師曰
我心非止。脇曰。汝不定耶。師曰。諸佛亦然。脇曰

汝非諸佛。師曰。諸佛亦非。脇印可度之。十二
祖馬鳴大士。見富那。問曰。我欲識佛。何者。卽是
富曰。汝欲識佛。不識者是。馬曰。佛旣不識。焉知
是乎。富曰。旣不識佛。焉知不是。馬曰。此是鋸義。
富曰。彼是木義。富復問曰。鋸義者何。馬曰。與師
平出。馬又問曰。木義者何。富曰。汝被我解。馬乃
豁悟。十三祖迦毗摩羅尊者。得法於馬鳴。領
徒入山。逢一大蟒。盤繞師身。與受三歸而去。繼
有一老問訊。師問所止。答曰。昔爲比丘。樂靜時

有初學。數來請益。煩於應答。起瞋恚想。命終爲
蟒。今已千載。適遇尊者。獲聞戒法。故來謝耳。

十四祖龍樹尊者。遇迦毘得法。乃於座上。現自
在身。如滿月輪。大衆唯聞法音。不覩師相。而說
偈言。身現圓月相。以表諸佛體。說法無其形。用

辨非聲色。

以上振字
函第一卷

十五祖迦那提婆尊者。因謁龍樹。知是智人。令
侍者以滿鉢水。置於座前。提婆覩之。乃以針投
契於龍樹。卽爲法嗣。十六祖羅睺羅多尊者。

曾蒙佛記第二五百年爲大教主。遇於提婆蓋符風。因得度之後。因求法嗣。見僧伽難提。入定經三七日。方從定起。問曰。汝身定耶。心定耶。曰。身心俱定。羅多曰。身心俱定。何有出入。僧伽曰。雖有出入。不失定相。十七祖僧伽難提尊者。莊嚴王之子。生而能言。常讚佛事。厭於世樂。七歲能偈。告其父母。稽首大慈父。和南骨肉母。我今欲出家。幸願哀愍。故父母固止之。遂終日不食。乃許在家出家。號僧伽難提。次謁羅多入道。

十八祖伽那舍多尊者。因風吹殿角鈴聲。難提試問。鈴鳴耶。風鳴耶。舍多答曰。非風非鈴。我心鳴耳。難提曰。心復誰乎。舍多曰。俱寂靜。故難提曰。善哉。繼吾道者。非子而誰。十九祖鳩摩羅多尊者。因伽那行化。至扣其門。鳩摩曰。此舍無人。伽那曰。答無者誰。鳩摩聞語。知是異人。開關延接。以續祖燈。二十祖闍夜多尊者。遇鳩摩入國。問曰。我家父母。素信三寶。而嘗縈疾瘵。凡所營作。皆不如意。而我鄰家。久爲旃陀羅行。而

身常勇健。所作和合。彼何幸而我何辜。鳩摩曰。善惡之報。有三時焉。凡人但見仁夭暴壽。逆吉義凶。便謂凶因果虛罪福。殊不知影響相隨。縱經萬劫。亦不磨滅。時闇夜多。頓釋所疑。鳩摩曰。汝雖已信。三業而未明。業從惑生。惑因識有。識依不覺。不覺依心。心本清淨。無生滅。無造作。無報應。無勝負。寂寂然。靈靈然。汝若入此門。可與諸佛同矣。一切善惡。有爲無爲。皆如夢幻。闇夜多。夙慧頓發。二十一祖婆修盤頭尊者。父名

光蓋。母名嚴一。尊者在母胎日。有一羅漢名賢。衆至其家。光蓋設禮。賢衆端坐受之。嚴一出拜。賢衆避席云。回禮法身大士。光蓋莫測其由。問曰。我是丈夫。致禮不顧。我妻何德。師却避之。賢衆曰。汝婦懷於聖子。當爲世燈。吾故避之。非重女人也。及盤頭出世。智慧淵冲。唯尚辯論。爲衆之首。一食不卧。六時禮佛。清淨無欲。爲衆所歸。闇夜多將欲度之。先問彼衆曰。此盤頭能修梵行。可得佛道乎。衆曰。我師精勤。何故不可。闇夜

多曰。汝師與道遠矣。設苦行歷於塵劫。皆虛妄之本也。衆曰。尊者蘊何德行而譏我師。闇夜多曰。我不求道。亦不顛倒。我不禮佛。亦不輕慢。我不長坐。亦不懈怠。我不一食。亦不雜食。我不知足。亦不貪欲。心無所希。名之曰道。盤頭乃師之。二十二祖摩拏羅尊者。曩授佛記。第二五百年。出家繼聖。後於那提國。常自在王家託生。果遇盤頭得度。二十三祖鶴勒那尊者。七歲遊行聚落。覩民淫祀。乃入廟叱之曰。汝妄興禍福。幻

惑於人。歲費牲牢。傷害斯甚。言訖廟貌忽壞。由是鄉黨謂之聖子。出家成道。○二十四祖師子者。見鶴勒那。而問曰。我欲求道。當何用心。曰。無所用心。曰。旣無用心。誰作佛事。曰。汝若有用。卽非功德。汝若無作。卽是佛事。經云。我所作功德。而無我所故。勒那預有識曰。吾滅五十年後。當有難起。嬰在汝身。至時屬賓國王。果滅佛法。至尊者前。問曰。師得蘊空否。尊者曰。已得蘊空。曰。離生歟否。尊者曰。已離生死。曰。旣離生死。可

施我頭尊者曰身非我有何怪於頭王卽揮刃
斷尊者首白乳涌高數尺王臂亦墮七日而終
二十五祖婆舍斯多尊者生時便拳左手終未
能舒父領投於師子尊者問其宿因尊者以手
接曰可還我珠童子遽開手奉珠尊者曰吾曩
爲僧赴西海齋觀珠以付童子婆舍今還吾珠
理固然矣卽求出家密受心印後隱南天王問
所傳何宗祖曰我從師子尊者而得王曰予聞
師子不能免於刑戮何能傳法後人祖曰我師

難未起時密授信衣以顯師承王曰其衣何在
祖卽於囊中出衣示王王命焚之五色相鮮薪
盡如故王悔致禮○二十六祖不如密多尊者
往東印度時外道梵志旣知尊者入境卽鳩諸
徒曰誰能挫之弟子曰我等各有呪術可以動
天地入水火何患哉尊者直詣王所梵志怒之
卽以幻法化大山於尊者之頂尊者一指其山
忽移彼衆頭上梵志歸投尊者愍其愚再指之
化山隨滅梵衆咸趣真乘○二十七祖般若多

大藏一覽 卷十
羅尊者。乃大勢至菩薩之後身。勿失父母。遊行閻里。丐求度日。人問汝行何急。答曰。汝行何慢。或問何姓。乃云與汝同姓。莫知其故。以上振字函第二卷
二十八祖。菩提達磨。乃南天竺國。香至王第三子。因般若多羅尊者。受父王供施。無價珠。乃問諸王子。此珠圓明。有能及此否。第一子月淨多羅。第二子功德多羅。皆曰。此珠七寶中尊。固無踰也。第三子菩提多羅。曰。此是世寶。未足爲上。於諸寶中。法寶爲上。此是世光。未足爲上。於諸

光中。智光爲上。此是世明。未足爲上。於諸明中。心明爲上。此珠光明。不能自照。要假智光。光辨於此。既辨此已。卽知是珠。旣知是珠。卽明其寶。若明其寶。寶不自寶。若辨其珠。珠不自珠。珠不自珠者。要假智珠。而辨世珠。寶不自寶者。要假智寶。以明法寶。然則師有其道。其寶卽現。衆生有道。心寶亦然。般若多羅歎其辯慧。復問於諸物中。何物無相。曰。於諸物中。不起無相。又問於諸物中。何物最高。曰。於諸物中。人我最高。又問

於諸物中。何物最大。曰。於諸物中。法性最大。而般若多羅謂曰。汝於諸法。已得通量。宜名菩提達磨。師乃告曰。我既得法。當往何國。而作佛事。般若多羅答曰。待吾滅後。當往震旦。直接上根。不可勝數。時有一師。名佛大勝。分爲六宗。一有相宗。二無相宗。三定慧宗。四戒行宗。五無德宗。六寂靜宗。徒衆甚盛。磨乃歎曰。彼之一師。已陷牛跡。況復支離。而分六宗。我若不除。永纏邪見。徧往論議。六衆咸歸。由是聲馳五印。六十餘載。

度無量衆。後值異見王。輕毀三寶。師遣無相宗中。首領波羅提諫之。王怒問曰。何者是佛。答曰。見性是佛。王曰。性在何處。答曰。我見佛性。王曰。性在何處。答曰。性在作用。王曰。是何作用。我今不見。答曰。今見作用。王自不見。王曰。於我有否。答曰。王若作用。無有不是。王若不用。體亦難見。王曰。若當用時。幾處出現。答曰。若出現時。當有其八。卽說偈曰。在胎爲身。處世各人。在眼曰見。在耳曰聞。在鼻辨香。在口談論。在手執提。在足

運奔徧現俱該沙界收攝在一微塵。識者知是佛性不識喚作精魂。王聞偈已。心卽開悟。悔謝前非。咨詢法要。王問波羅提曰。仁者智辯。當師何人。答曰。卽大王叔達磨是也。遽詔磨至。王聞規誡。涕泣而謝。王後疾作。醫治弗瘳。復詔叔磨爲王懺悔。厥疾有間。磨念震旦緣熟具舟。凡三寒暑。達於南海。實梁普通八年丁未歲也。廣州表聞武帝詔至金陵。帝問曰。朕造寺寫經。度僧不可勝紀。有何功德。師曰。並無功德。帝曰。何無

功德。師曰。此但人天小果。有漏之因。如影隨形。雖有非實。帝曰。如何是真功德。答曰。淨智妙圓。體自空寂。如是功德。不以世求。帝又問如何是聖諦。弟一義。師曰。廓然無聖。帝曰。對朕者誰。師曰。不識。帝不領悟。師知機不契。渡江寓于少林寺。終日面壁而坐。有僧神光。晨夕參承。莫聞海勵。光自惟昔人求道。尚喪命亡軀。我又何人立雪。過膝師憫而問。久立雪中。當求何事。光悲淚曰。惟願和尚慈悲。開甘露門。師曰。諸佛妙道。曠

劫精勤難行能行非忍而忍豈以小德小智輕
心慢心欲冀真乘光卽取刀斷臂師知法器乃
曰諸佛最初求道爲法忘形汝今斷臂吾前求
亦可在易名慧可曰諸佛法印可得聞乎師
曰法印匪從人得可曰我心未寧乞師與安師
曰將心來與汝安可曰覓心了不可得師曰我
與汝安心竟自爾緇白信向迄九年已欲返天
竺乃命門人盡各言所得乎時道副對曰不執
文字不離文字而爲道用師曰汝得吾皮尼總

持曰如慶喜見阿閼佛國一見更不再見師曰
汝得吾肉道育曰四大本空五陰非有無一法
可得師曰汝得吾骨最後慧可禮拜依位而立
師曰汝得吾髓而告可曰昔如來以正法眼付
迦葉大士展轉囑累而至於我我今付汝并授
袈裟以爲法信吾滅後二百年衣止不傳法周
沙界聽吾偈曰吾本來茲土傳法救迷情一花
開五葉結果自然成端坐而逝葬熊耳山後三
歲宋雲奉使西域回遇師于葱嶺手携隻履翩

翻獨逝。云西天去。雲至具奏。帝令啓墳。只見空棺。隻履存焉。○二十九祖慧可大師。因覽佛書。超然自得。終日宴坐。神人告曰。將欲受果。何滯此耶。翊日頭痛。空中告曰。此乃換骨。非常痛也。視其頂骨。如五峯秀出。後造少室。揭法傳云。見達磨章。三十祖僧璨大師。初以白衣謁可。問曰。弟子身纏風恙。請和尚懺罪。可曰。將罪來與汝懺。居士良久云。覓罪不可得。可曰。我與汝懺。罪竟宜依佛法。僧住曰。已知和尚是僧。未審何名佛法。可

曰。是心是佛。是心是法。法佛無二。僧寶亦然。居士曰。今日始知罪性不在內。不在外。不在中間。如其心然。佛法無二也。可深器之。卽爲剃髮。云是吾寶。宜名僧璨。○三十一祖道信大師見璨。問曰。願和尚乞與解脫法門。璨曰。誰縛汝。曰。無人縛。璨曰。何更求解脫乎。師言下大悟。○三十二祖弘忍大師爲童時。信問子何姓。答曰。姓卽有。不是常姓。信曰。是何姓。答曰。是佛性。信曰。汝無性耶。答曰。性空故。信器之。以上振字。函第三卷。

三十三祖慧能大師。仕宦之後。家貧賣薪。聞客讀金剛經。悚然問曰。得於何人。客曰。得於黃梅師。抵韶州。復聞尼無盡藏讀涅槃經。乃爲解說其義。尼遂執卷問字。師曰。字卽不識。義卽請問。尼曰。字尚不識。曷能會義。師曰。諸佛妙理。非關文字。人皆異之。謁祖問曰。汝自何來。曰。嶺南。祖曰。欲須何事。曰。唯求作佛。祖曰。嶺南人無佛性。曰。人有南北。佛性豈然。祖知異人。乃訶曰。著槽廠去。遂入碓坊。因祖一日告衆曰。各述一偈。語

意相符。則付衣法。會下七百餘僧。上座神秀者。衆所宗仰。於壁書一偈云。身是菩提樹。心如明鏡臺。時時勤拂拭。莫使有塵埃。衆皆誦念。師聞此偈。謂同學曰。美則美矣。了則未了。有偈和之。同學皆笑。夜深師密倩一童子。於秀偈之側寫云。菩提本非樹。心鏡亦非臺。本來無一物。何假拂塵埃。祖見此偈。乃潛召師。告曰。諸佛出世。爲一大事故。隨機小大。遂有三乘頓漸。以爲教門。後以正法眼藏。付于迦葉。傳授二十八世。至達

磨屈於此土。迨及於吾。今以法寶及所傳衣。用付於汝。師曰。法則既授。衣付何人。祖曰。達磨初至。人未知信。所以傳衣。以明得法。今信心已熟。衣乃爭端。止於汝身。不復傳也。師卽南邁。衆知共逐。至大庾嶺。惠明先到。師擲衣鉢於磐石上。曰。此衣表信。任君將去。明遂舉之。如山不動。乃曰。我來求法。非爲衣也。願行者開示。師曰。不思善。不思惡。正恁麼時。阿那箇是明上座本來面目。明當大悟。師過南海。寓廣州法性寺。因風颺

刹旛。二僧對論。一云。幡動。一云。風動。師曰。風旛非動。動自心耳。二僧聞語。竦然異之。後中宗遣使薛簡。馳詔不赴。因問心要。曰。明喻智慧。暗況煩惱。儻不以智慧照破。須惱。無始生死。憑何出離。師曰。若以智慧照煩惱者。此是二乘小見。羊鹿等機。上智不爾。簡曰。如何是大乘見解。師曰。明與無明。其性無二。處凡不減。在聖不增。住煩惱而不亂。居禪定而不寂。不斷不常。不來不去。不在中間。及其內外。不生不滅。性相如如。常住

刹那頃斷續之相。

向居士

祖見

致書云。影由形起。響逐聲來。弄影

勞形。不識形爲影本。揚聲止響。不知聲是響根。除煩惱而趣菩提。喻去形而覓影。離衆生而求佛果。喻默聲而尋響。故知迷悟一途。愚智非別。無名作名。因其名。則是非生矣。無理作理。因其理。則爭論起矣。幻化非真。誰是誰非。虛妄無實。何空何有。將知得無所得。失無所失。聊申此意。伏望答之。○二祖答偈。備觀來意。皆如實。真幽

之理竟不殊。本迷摩尼謂瓦礫。豁然自覺是真珠。無明智慧等無異。當知萬法卽皆如。愍此二見之徒輩。申詞措筆作斯書。觀身與佛不差別。何須更覓彼無餘。居士披捧遙禮。密承印記。振字

了函第
三卷第

金陵牛頭山。法融禪師

祖見

博通經史。尋閱般

若曉達真空。歎曰。儒道世典。非究竟法。般若正觀。出世舟航。投師落髮。隱牛頭山。有百鳥嚙花之異。號曰懶融。見人不起。亦不合掌。四祖訪之。

端坐不顧。祖問曰。在此作什麼。師曰。觀心。祖曰。觀是何人心。是何物。師無對。便起作禮。問曰。大德高棲何所。祖曰。貧道不決所止。師曰。還識信禪師否。祖曰。貧道是也。因引祖至庵。唯見虎狼之類。祖作怖勢。師曰。猶有這箇在。祖曰。適來見什麼。師無語。少選。祖却於師宴坐石上。書一佛字。師觀之竦然。祖曰。猶有這箇在。師未曉。乃稽首請說真要。祖曰。夫百千法門。同歸方寸。河沙妙德。總在心源。戒定慧門。神通變化。悉自具足。

不離汝心。一切業障。本來空寂。一切因果。皆如夢幻。無三界可出。無菩提可求。人與非人。性相平等。大道空曠。絕思絕慮。如是之法。汝今已得。更無闕少。與佛何殊。更無別法。但任心自在。莫作觀行。亦莫澄心。莫起貪瞋。莫懷愁慮。蕩蕩無礙。任意縱橫。不作諸善。不作諸惡。行住坐臥。觸目遇緣。總是佛之妙用。快樂無憂。故名爲佛。師曰。既不許作觀行。於境起時。心如何對治。祖曰。境緣無好醜。好醜起於心。心若不強名。妄情從

何起。妄情既不起。真心任徧知。

牛頭山智巖禪師

見四祖

少爲郎將。累戰有功。棄

官出家。隱舒州皖公山。有同從軍者二人。尋訪

謂師曰。郎將狂耶。何爲任此。答曰。我狂欲醒。君

狂正發。夫嗜色淫聲。貪榮冒寵。流轉生死。何由

得出。二人感悟。歎息而去。師後謁融。發明大事。

潤州鶴林玄素禪師

見四祖下牛頭威禪師

有僧扣門。師

問什麼人。曰是僧。師曰。非但是僧。佛來亦不著。

曰佛來爲什麼不著。師曰。無汝止泊處。

舒州天柱崇慧禪師

見四祖下威禪師

僧問。如何是六

通智勝佛。師曰。曠大劫來。未曾擁滯。不是智勝

佛。是什麼。曰爲什麼佛法不現前。師曰。只爲汝

不會。所以成不現前。汝若會去。亦無佛道可成。

杭州烏窠道林禪師

見四祖下威禪師

侍者會通。忽一

日辭去。師問何往。對曰。諸方學佛法去。師曰。佛

法吾此間亦有。少許。曰如何是和尚佛法。師於

身上拈起布毛吹之。通乃領悟。

天台雲居智禪師

見四祖下忠禪師

僧問。見性成佛。其

義云何。師曰。清淨之性本來湛然。無有動搖。不屬有無淨穢。長短取捨。體自脩然。如是明見。乃名見性。性卽佛。佛卽性。故云見性成佛。曰。性既清淨。不屬有無。因何有見。師曰。見無所見。曰。無所見。因何更有見。師曰。見處亦無。曰。如是見時。是誰之見。師曰。無有能見者。曰。究竟其理。云何。師曰。汝知否。妄計爲有。卽有能所。乃得名迷。隨見生解。便墮生死。明見之人。卽不然。終日見。未嘗見。求見處。體相不可得。能所俱絕。名爲見性。

曰。此性徧一切處否。師曰。無處不徧。曰。凡夫具否。師曰。上言無處不徧。豈凡夫而不具乎。曰。因何諸佛菩薩不被生死所拘。而凡夫獨縈此苦。何曾得徧。師曰。凡夫於清淨性中。計有能所。卽墮生死。諸佛大士。善知清淨性中。不屬有無。卽能所不立。曰。若如是說。卽有了不了人。師曰。了尚不可得。豈有能了人乎。

北宗神秀禪師見五祖以坐禪爲務。師歎曰。真吾師也。誓心苦節。以求其道。祖默識之。師有偈。

云。一切佛法。自心本有。將心外求。捨父逃走。

袁州蒙山道明禪師見五祖。參問初無解悟。及聞

五祖密付衣法與盧行者。率數十人追逐至大

庾嶺。師最先見盧。卽擲衣鉢於磐石上。曰。此衣

表信。可力爭耶。任君將去。師遂舉之。如山不動。

乃曰。我來求法。非爲衣也。願乞開示。盧曰。不思

善。不思惡。正任麼時。阿那箇是明上座本來面

目。師當下大悟。禮拜問曰。上來密語密意外。還

更別有意旨否。盧曰。我今與汝說者。卽非密也。

汝若返照自己。而曰。密却在汝邊。師曰。某甲蒙
指入處。如人飲水。冷暖自知。祖卽我師。盧曰。吾
與汝同師黃梅也。

嵩嶽慧安國師見五祖。有坦然懷讓二人。參問如

何是祖師。西來意。師曰。何不問自己意。曰。如何

是自己意。師曰。當觀密作用。曰。如何密作用。師

以目開合示之。然言下知歸。

嵩嶽破竈墮和尚見五祖下。嵩嶽有廟甚靈。殿

中唯安一竈。遠近祭祀。師見以杖敲竈三下云。

咄此竈只是泥瓦合成。聖從何來。靈從何起。恁麼烹宰物命。又打三下。竈乃破墮。須臾有一人。青衣戴冠。設拜曰。我本此竈神。久受業報。蒙師說無生法。脫此生天。特來致謝。師曰。汝是自有之性。非吾彊言。神再拜而沒。

嵩嶽元珪禪師

見安國師

一日有異人戴冠而至。從

者極多。稱謁大師。師曰。善來仁者。胡爲而至。彼曰。師寧識我耶。師曰。吾觀佛與衆生等。吾一目之。豈分別耶。曰。我此嶽神也。能生死於人。師表

得一目我哉。師曰。吾本不生。汝焉能死。吾視身與空等。視吾與汝等。汝能壞空與汝乎。苟能壞空及汝。吾則不生不滅也。汝尚不能如是。又焉能生死吾耶。神稽首曰。我亦聰明正直於餘神。詎知師有廣大之智辨乎。願授以正戒。令我度世。師曰。汝旣乞戒。卽旣戒也。所以者何。戒外無戒。又何戒哉。神曰。此理也。我聞茫昧。只求師戒。師於是爲授五戒也。五戒之詳本經可見

益州保唐寺無住禪師

見五祖下無相禪師

一日鷄鳴。公

相杜鴻漸問師聞否。曰聞。鴻去又問師聞否。曰聞。公曰。鴻去無聲。云何言聞。師曰。聞無有聞。非關聞性。本來不生。何曾有滅。有聲之時。是聲塵自生。無聲之時。是聲塵自滅。而此聞性。不隨聲生。不隨聲滅。悟此聞性。則免聲塵之所轉。當知聞無生滅。聞無去來。又問。云何不生。云何不滅。如何得解脫。師曰。見境心不起。名不生。不生即不滅。既無生滅。即不被前塵所縛。當處解脫。不生名無念。無念即無滅。無念即無縛。無念即無

脫。舉要而言。識心即離念。見性即解脫。離識心見性外。更有法門證無上菩提者。無有是處。公曰。何名識心見性。師曰。學道人隨念流浪。蓋爲不識真心。真心者。念生亦不順生。念滅亦不依寂。不來不去。不定不亂。不取不捨。不沉不浮。無爲無相。活潑潑。平常自在。此心體畢竟不可得。無可知覺。觸目皆如。無非見性。公禮而退。以上振字

函第
四卷

廬檐山曉了禪師見六祖塔銘盛行于世。云師得

大藏一覽

卷廿

二十五

無心之心。了無相之相。無相者森羅眩目。無心者分別熾然。絕一言一響。響莫可傳。傳之行矣。言莫可窮。窮之非矣。師自得無無之無。不無於無也。吾今以有有之有。不有於有也。不有之有。去來非增。不無之無。涅槃非境。嗚呼。師住世兮。曹谿明。師寂滅兮。法舟傾。師譚無說兮。寰宇盈。師示迷徒兮。了義乘。匾檐山色。垂茲色。空谷猶

留曉了名

忽雷
澄撰

洪州法達禪師念法華經已及三千部

後見
六祖

向道。汝但執念。謂爲功課者。何異犂牛愛尾也。師曰。若然者。但得解義。不勞誦經耶。祖曰。經有何過。豈障汝念。只爲迷悟在人。損益由汝。聽吾偈曰。心迷法華轉。心悟轉法華。誦久不明已。與義作讐家。無念念卽正。有念念成邪。有無俱不計。長御白牛車。而況經文。明向汝道。無二亦無三。汝何不省。三車是假。爲昔時故。一乘是實。爲今時故。只教汝去假歸實。歸實之後。實亦無名。應知有所珍財。盡屬於汝。由汝受用。更不作父

想亦不作子想。是名持法華經。從劫至劫。手不釋卷。從晝至夜。無不念時也。師蒙啓發。以偈讚曰。經誦三千部。曹谿一句亾。未明出世旨。寧歇累生狂。羊鹿牛權設。初中後善揚。誰知火宅內。元是法中王。祖曰。汝今後方名爲念經僧也。壽州智通禪師見六看楞伽經。不會三身四智。祖謂曰。三身者。清淨法身。汝之性也。圓滿報身。汝之智也。千百億化身。汝之行也。若離本性。別說三身。卽名有身無智。若悟三身。無有自性。卽

名四智菩提。聽吾偈曰。自性具三身。發明成四智。不離見聞緣。超然登佛地。吾今爲汝說。諦信永無迷。莫學馳求者。終日說菩提。師曰。四智之義。可得聞乎。祖曰。旣會三身。便明四智。若離三身。別譚四智。此名有智無身也。卽此有智。還成無智。復說偈曰。大圓鏡智性清淨。平等性智心無病。妙觀察智見非功。成所作智同圓鏡。五八六七果因轉。但用名言無實性。若於轉處不留情。繁興永處那伽定。

轉前五識爲成所作智。轉第六識爲妙觀察智。轉第七識爲末那識。轉第八識爲阿賴耶識。

大藏一覽 卷十 二十七
七識爲平等性智轉第八識爲大圓鏡智雖六
七因中轉五入果上轉但轉其名而不轉其體
也師禮謝以偈贊曰。三身無我體四智本心明。
身智融無礙。應物任隨形。起修皆妄動。守住匪
真精。妙旨因師曉。終亾染汗名。

信州智常禪師見六祖問云。蒙大通和尚。示見性

成佛之義。未決狐疑。願垂攝受。祖曰。彼有何言
句。師舉大通問曰。汝見虛空否。對曰。見。彼曰。汝
見虛空有相貌否。對曰。虛空無形。有何相貌。彼
曰。汝之本性。猶如虛空。返觀自性。了無一物可

見。是名正見。無一物可知。是名真知。無有青黃
長短。但見本源清淨。覺體圓明。卽名見性成佛。
亦名極樂世界。亦名如來知見。學人雖聞此說。
猶未決了。乞和尚誨示。祖曰。彼說猶存見知。令
汝未了。吾今示汝一偈。不見一法存無見。大似
浮雲遮日面。不知一法守空知。還似大虛生閃
電。此之知見。瞥然興。錯認何曾解。方便汝當一
念自知非。自己靈光常顯現。師問偈已。豁然答
偈。無端起知解。著相求菩提。情存一念悟。寧越

昔時迷。自性覺源體。隨照枉遷流。不入祖師室。
茫然趣兩頭。

廣州志道禪師

見六祖

問曰。涅槃經云。諸行無常。

是生滅法。生滅滅已。寂滅爲樂。且一切衆生。皆有二身。謂色身。法身也。不審何身寂滅。何身受樂。若色身滅時。四大分散。全是苦空。若法身寂滅。卽同木石。誰當受樂。如是則一切法。被涅槃之所禁伏。尚不得生。何樂之有。祖曰。汝是釋子。何習外道。斷常邪見。而議最上乘法。據汝所見。

卽色身外。別有法身。離生滅。求於寂滅。又推涅槃常樂。言有身受者。斯乃執吝生死。耽著世樂。汝今當知。佛爲一切迷人。認五蘊和合爲自體相。分別一切法。爲外塵相。好生惡死。念念遷流。不知夢幻虛假。枉受輪回。以常樂涅槃。翻爲苦相。終日持求。佛愍此故。乃示涅槃真樂。剎那無有生相。剎那無有滅相。更無生滅可滅。是則寂滅現前。當現前之時。亦無現前之量。乃謂常樂。此樂無有受者。亦無不受者。豈有涅槃禁伏諸

法令永不生。斯乃謗佛毀法。

温州永嘉玄覺禪師見六祖初謁振錫携瓶繞祖

三匝。祖曰。夫沙門者。具三千威儀。八萬細行。大

德自何方而來。生大我慢。師曰。生死事大。無常

迅速。祖曰。何不體取無生了無速乎。曰。體即無

生了本無速。祖曰。如是如是。于時大眾無不愕

然。師方具威儀。參禮。須臾告辭。祖曰。返太速乎。

師曰。本自非動。豈有速耶。祖曰。誰知非動。曰。仁

者自生分別。祖曰。汝甚得無生之意。曰。無生豈

有意耶。祖曰。無意誰當分別。曰。分別亦非意。祖

歎曰。善哉善哉。云有永嘉集十篇行于世。○慕

道志儀第一。戒憍奢意第二。淨修三業第三。奢

摩他頌第四。毘婆舍那頌第五。優畢義頌第六。

三乘漸次第七。理事不二第八。勸友人書第九。

發願文第十。教行始末備在本集文廣不錄如

後學推檢已○淨修三業第三。貪瞋邪見意業

過令不生故。妄言綺語兩舌惡口。口業。殺盜淫身業。夫欲志

求大道者。先須淨修三業。然後於四威儀中。漸

次入道。乃至六根所對。隨緣了達。境智難寂。冥乎妙旨。○云何淨修身業。深自思惟。行住坐臥。四威儀中。檢攝三德。令無漏失。慈悲撫育。不傷物命。水陸空行。一切含識。命無大小。等心愛護。蠢動蚰飛。無令毀損。危難之流。殷勤拔濟。方便救度。皆令解脫。於他財物。不與不取。乃至鬼神。隨有主物。一針一草。終無故犯。貧窮乞丐。隨已所有。敬心施與。令彼安隱。不求恩報。作是思惟。過去諸佛。經無量劫。行檀布施。象馬七珍。頭目

髓腦。乃至身命。捨而無恡。我今亦爾。隨有施與。歡喜供養。心無恡惜。於諸女色。心無染著。凡夫顛倒。爲欲所醉。耽荒迷亂。不知其過。如捉花葶。不悟毒蛇。智人觀之。毒蛇之口。熊豹之手。猛火熱鐵。不以爲喻。銅柱鐵床。焦背爛腸。血肉糜潰。痛徹心髓。作如是觀。唯苦無樂。華囊成糞。膿血之聚。外假香塗。內唯臭穢。不淨流溢。蟲蛆住處。鮑肆廁孔。亦所不及。智者觀之。但見毛髮爪齒。薄皮厚皮。肉血汗淚。涕唾膿脂。筋脉腦膜。黃痰

九藏一覽 卷一
三十一
白痰。肝膽骨髓。肺脾腎胃。心膏膀胱。大腸小腸。生藏熟藏。屎尿臭處。如是等物。一一非人。識風鼓擊。妄生語言。詐爲親善。其實怨妬。敗德障道。爲過至重。應當遠離。如避怨賊。是故智人觀之。如毒蛇。想寧近毒蛇。不親女色。何以故。毒蛇殺人。一死一生。女色繫縛。百千萬劫。種種楚毒。苦痛無窮。諦察深思。難可附近。是以智者。切檢三慳。改往修來。肯惡從善。不殺不盜。放生布施。不行淫穢。常修梵行。日夜精勤。行道禮拜。歸憑三

寶志求解脫。於身命財。修三堅法。知身虛幻。無有自性。色卽是空。誰是我者。一切諸法。但有假名。無一定實。是我身者。四大五陰。一一非我。和合亦無。內外推求。如水聚沫。浮泡陽燄。芭蕉幻化。鏡像水月。畢竟無人。無明不了。妄執爲我。於非實中。橫生貪著。殺生偷盜。姪穢荒迷。竟夜終朝。斫斫造業。雖非真實。善惡報應。如影隨形。作是觀時。不以惡求。而養身命。應自觀身。如毒蛇。想爲治病。故受於四事。身著衣服。如裹癰瘡。口

餐滋味。如病服藥。節身儉口。不生奢泰。聞說少欲。樂修行。故經云。少欲頭陀。善知止足。是人能入賢聖之道。何以故。惡道衆生。經無量劫。缺衣乏食。叫喚號毒。飢寒切楚。皮骨相連。我今暫缺。未足爲苦。是故智者。貴法賤身。勤求至道。不顧形命。是名淨修身業。○云何淨修口業。深自思惟。口之四過。生死根本。增長衆惡。傾覆萬行。遍相是非。是故智者。欲拔其源。斷除虛妄。修四實語。正直柔軟。和合如實。此之四語。智者所行。何

以故。止直語者。能除綺語。柔軟語者。能除惡口。和合語者。能除兩舌。如實語者。能除妄語。正直語者。有二。一稱法說。令諸聞者。信解明了。二稱理說。令諸聞者。除疑遣惑。柔軟語者。亦二。一者安慰語。令諸聞者。歡喜親近。二者宮商清雅。令諸聞者。愛樂受習。和合語者。亦二。一事和合者。見鬪諍人。諫勸令捨。不自稱譽。昇遜敬物。二理和合者。見退菩提心人。殷勤勸進。善能分別。善提煩惱平等一相。如實語者。亦二。一事實者。有

則言有。無則言無。是則言是。非則言非。二理實者。一切衆生。皆有佛性。如來涅槃常住不變。是以智者行四實語。觀彼衆生。曠劫以來。爲彼四過之所顛倒。沉淪生死。難可得出。我今欲拔其源。觀彼口業。唇舌牙齒。咽喉臍響。識風鼓擊。音出其中。由心因緣。虛實兩別。實則利益。虛則損滅。實則起善之根。虛爲生惡之本。善惡根本。由口言詮。詮善之言。各爲四正。詮惡之語。各爲四邪。邪則就苦。正則歸樂。善是助道之緣。惡是敗

道之本。是故智者。要心扶正。實語自立。誦經念佛。觀語實相。言無所存。語默平等。是名淨修口業。云何淨修意業。深自思惟。善惡之源。皆從心起。邪念因緣。能生萬惡。正觀因緣。能生萬善。故經云。三界無別法。唯是一心作。當知心是萬法之根本也。云何邪念。無明不了。妄執爲我。我見堅固。貪瞋邪見。橫計所有。生諸染著。故經云。因有我故。便有所因。我所故。起於斷常。六十二見。見思相續。九十八使。三界生死輪迴不息。

當知邪念衆惡之本。是故智者。制而不隨。云何正觀。彼我無差。色心不二。菩提煩惱。本性非殊。生死涅槃。平等一照。故經云。離我我所。觀於平等。我及涅槃。此二皆空。當知諸法。但有名字。故經云。乃至涅槃。亦但有名字。又云。文字性離。名字亦空。何以故。法不自名。假名詮法。法既非法。名亦非名。名不當法。法不當名。各法無當。一切空寂。故經云。法無名字。言語斷故。是以妙相絕名。真名非字。何以故。無爲寂滅。至極微妙。絕相

離名。心言路絕。當知正觀。還源之要也。是故智者。正觀因緣。萬惑斯遣。境智雙忘。心源淨矣。是名淨修意業。○此應四儀六根所對。隨緣了達。入道次第云爾。

絳州本淨禪師。幼歲披緇于曹溪之室。受記隸司空山無相寺。天寶中。玄宗遣中使楊光庭。入山採藤。因造丈室。禮問曰。弟子慕道斯久。願和尚慈悲。略垂開示。師曰。天下禪宗。碩學咸會。京師天使歸朝。足可咨決。貧道隈山傍水。無所用

心。光庭泣拜。師曰。休禮貧道。天使爲求佛耶。問道耶。曰。弟子智識昏昧。未審佛之與道。其義云何。師曰。若欲求佛。卽心是佛。若欲會道。無心是道。曰。云何卽心是佛。師曰。佛因心悟。心以佛彰。若悟無心。佛亦不有。曰。云何無心是道。師曰。本道無心。無心名道。若了無心。無心卽道。光庭再拜而退。回奏詔師入內。召集諸禪。與師闡揚佛理。有遠禪師出問。如師所見。以何爲道。師曰。無心是道。遠曰。道因心有。何得言無心是道。師曰。

道本無名。因心名道。心名若有。道不虛然。窮心旣無。道憑何立。二俱虛妄。總是假名。遠曰。師現有身心。是道已否。師曰。山僧身心。本來是道。曰。適言無心是道。今又言身心本來是道。豈不相違。師曰。無心是道。心泯道無。心道一如。故言無心是道。身心本來是道。道亦本是身心。身心本旣是空。道亦窮源無有。曰。觀禪師形質甚小。却會此理。師曰。大德只見山僧相。不見山僧無相。經云。凡所有相。皆是虛妄。若見諸相非相。卽悟。

其道若以相爲實窮劫不能悟道。曰。今諸禪師於相上說於無相。師曰。淨名經云。四大無主。身亦無我。無我所見。與道相應。大德。若以四大有主。是我若有我見。窮劫不可會道也。遠公聞語失色。師有偈曰。四大無主復如水。遇曲逢直無彼此。淨穢兩處不生心。壅決何曾有二意。觸境但似水無心。在世縱事有何事。復云。一大如是。四大亦然。若明四大無主。卽悟無心。若了無心。自然契道。○又有志明禪師問曰。若言無心是

道。瓦礫無心亦應是道。又云。身心本來是道。四生十類皆有身心。亦應是道。師曰。若作見聞覺知之解。與道懸殊。卽是求見聞覺知之者。非求道之人。經云。無眼耳鼻舌身意。六根尚無見聞覺知。憑何而立。窮本不有。何處存心。焉得不同草木瓦礫。志明杜口而退。師又偈曰。見聞覺知無障礙。聲香味觸常三昧。如鳥空中只麼飛。無取無捨無憎愛。若會應處本無心。方得名爲觀自在。○又真禪師問曰。道旣無心。佛有心否。佛

大藏一覽 卷十
之與道。是一是二。師曰。不一不異。曰。佛度衆生。爲有心故。道不度人。爲無心故。一度一不度。何得無二。師曰。若言佛度衆生。道無度者。此是大德妄生二見。如山僧卽不然。佛是虛名。道亦妄立。二俱不實。總是假名。一假之中。何分二問。曰。佛之與道。從是假名。當立名時。是誰爲立。若有立者。何得言無。師曰。佛之與道。因心而立。推窮立心。心亦是無。心旣是無。卽悟二俱不實。知如夢幻。卽悟本空。彊立佛道二名。此是二乘人見。

解。師乃說無修無作偈曰。見道方修道。不見復何修。道性如虛空。虛空何所修。徧觀修道者。撥火覓浮漚。但看弄傀儡。線斷一時休。○又法空禪師問曰。佛之與道。俱是假名。十二分教。亦應不實。何以從前尊宿。皆言修道。師曰。大德錯會經意。道本無修。大德彊修。道本無作。大德彊作。道本無事。彊生多事。道本無知。於中彊知。如此見解。與道相違。從前尊宿。不應如是。自是大德不會。請思之。師又偈曰。道體本無修。不修自合。

道。若起修道心。此人不會道。棄却一真性。却入開浩浩。忽逢修道人。第一莫向道。○又安禪師問曰。道既假名。佛亦妄立。十二分教。亦是接物度生。一切是妄。以何爲真。師曰。爲有妄故。將真對妄。推窮妄性。本空。真亦何曾有故。故知真妄。總是假名。二事對治。都無實體。窮其根本。一切皆空。曰。旣言一切是妄。妄亦同真。真妄無殊。復是何物。師曰。若言何物。何物亦妄。經云。無相似。無比。況言語道斷。如鳥飛空。安公慙伏。師又渴

曰。推真真無相。窮妄妄無形。返觀推窮心。知心亦假名。會道亦如此。到頭亦只寧。○又達性禪師問曰。禪師至妙至微。真妄雙泯。佛道兩亡。修行性空。名相不實。世界如幻。一切假名。作此解時。不可斷絕。衆生善惡二根。師曰。善惡二根。皆因心有窮心。若有根。亦非虛。推心旣無。根因何立。經云。善不善法。從心化生。善惡業緣。本無有實。師又偈曰。善旣從心生。惡豈離心有。善惡是外緣。於心實不有。捨惡送何處。取善令誰守。傷

嗟二見人攀緣兩頭走若悟本無心始悔從前
咎○又有近臣問曰此身從何而來百年之後
復歸何處師曰如人夢時從何而來覺時從何
而去曰夢時不可言無既覺不可言有雖有有
無來往無所師曰貧道此身亦如其夢師又偈
曰視生如在夢夢裏實是鬧忽覺萬事休還同
睡時悟智者會悟夢迷人信夢鬧會夢如兩般
一悟無別悟富貴與貧賤更亦無別路

婺州玄策禪師

見六祖

有智隍禪師曾謁五祖

居二十年自謂正受師知隍所得未真往問曰
汝坐此作麼隍曰入定師曰入定有心耶無心
耶若有心者一切蠢動之類皆應得定若無心
者一切草木之流亦合得定曰我正入定時則
不見有有無之心師曰既不見有有無之心即
是常定何有出入若有出入則非大定隍無語
良久問師嗣誰師曰我師六祖曰六祖以何爲
禪定師曰我師云夫妙湛圓寂體用如如五陰
本空六塵非有不出不入不定不亂禪性無住

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大藏一覽 卷十

離住禪寂。禪性無生。離生禪想。心如虛空。亦無虛空之量。隍聞此語。未息疑情。遂造曹溪。請決而祖意。欲師冥符。隍始開悟。

西京光宅寺慧忠國師見六肅宗待以師禮。有

西天大耳三藏到京。云得他心慧眼。勅令與師試驗。師問曰。汝得他心通耶。對曰。不敢。師曰。汝道老僧。卽今在什麼處。曰。和尚是一國之師。何得却去西川看競渡。師再問。汝道老僧。卽今在什麼處。曰。和尚是一國之師。何得却在天津橋。

上看弄狢猴。師第三問。語亦同前。三藏良久。因

知去處。師叱曰。這野狐精。他心通在什麼處。僧問

仰山長耳三藏。第三度爲什麼不見國師。山曰。前兩度是涉境。心後入自受用。三昧所以不見。又問僧。舉前語問玄沙。沙曰。汝道前二度還見麼。玄覺云。前兩度若見。後來爲什麼不見。且道利害在什麼處。僧問趙州。曰。三藏第三度不見。國師未審。國師在什麼處。趙州云。在三藏鼻孔裏。僧問玄沙。旣在鼻孔裏。爲什麼不見。沙云。只爲太近。師一日喚侍者。者

應諾。師曰。將謂吾辜負汝。却是汝辜負吾。僧問

國師喚侍者。意作麼生。沙云。却是侍者會雲。居錫云。且道侍者會不會。若道會。國師又道。辜負吾。若道不會。玄沙又道。却是侍者會。且作麼生。商量玄覺。徵問僧。什麼是侍者會處。僧云。若不

大藏一覽

四十一

會爭解恁麼應玄覺云汝少會在又肅宗問如
云若於這裏商量得去便見玄沙
意如何師曰莫認自己作清淨法身又問師師
都不視之曰朕是大唐天子師何以殊不顧視
師曰還見虛空麼曰見師曰他還眨目視陛下
否○師問紫璘供奉佛是什麼義曰是覺義師
曰佛會迷否曰不會迷師曰用覺作麼無對又
問如何是實相師曰把將虛底來曰虛底不可
得師曰虛底尚不可得問實相作麼○師化緣

將畢乃辭代宗宗曰師滅度後弟子將何所記
師告檀越造取一所無縫塔曰就師請樣師良
久曰會麼曰不會師曰貧道去後有侍者應真
却知此事後詔真入內舉問前語真良久曰聖
上會麼曰不會真述偈曰湘之南潭之北中有
黃金充一國無影樹下合同船瑠璃殿上無知
識真後住耽源山

西京荷澤神會禪師

見六祖

祖上堂告衆吾有一

物無頭無尾無名無字無背無面諸人還識否

師乃出曰。是諸佛之本源。神會之佛性。祖曰。向汝道無名無字。汝便喚作本源佛性。

分派品第五十八 一百四十八別

六祖法嗣唯南嶽清原二人兒孫綿遠。○南嶽接馬祖直下分臨濟沩仰二枝。沩仰至五代無傳。○清原接石頭直下分曹洞雲門法眼三派。法眼至三代流入高麗也。

○南嶽一枝臨濟茂。○清原兩派洞雲長。

南嶽派 讓禪師

南嶽懷讓禪師見六祖問什麼處來。曰。嵩山來。祖曰。是什麼物。恁麼來。曰。說似一物。卽不中。祖

心是佛。師言下契。直入大梅山。住二十年。祖令

一僧去問。和尚見馬祖得箇什麼。便住此山。師云。馬祖向我道。卽心是佛。僧云。馬祖近日佛法

又別。師云。作麼生別。僧云。近日又道非心非佛。師云。這老漢惑亂人去。任他非佛非心。我祇卽

佛卽心。僧回舉似祖。祖曰。梅子熟也。○龐居士問師。久嚮大梅。未審梅子熟也未。師云。你向甚

處下口。士云。百雜碎。師云。還我核子來。振字兩第七卷池州南泉普願禪師見馬祖示衆云。馬祖說卽心

卽佛。王老師不恁麼道。不是心。不是佛。不是物。恁麼道。還有過麼。趙州禮拜而出。時有一僧問。州云。上座禮拜了。便出。意作麼生。州云。汝却問取和尚。僧遂問師。適來論上座意作麼生。師云。他却領得老僧意。○師擬遊庄。其夜土地先報庄主預備。師到問庄主。爭知老僧來。排辦如此。主云。土地夜來報知。師云。王老師修行無力。被鬼神覷見。有僧問和尚。既是善知識。爲什麼被鬼神覷見。師云。土地前更下一分飯。雲居云。是賞伊。

曰。還可修證否。曰。修證卽不無。汙染卽不得。祖曰。只此不汙染。乃諸佛之所護念。汝旣如是。吾亦如是。善自護持。○又僧問如鏡鑄像。像成後鏡明向什麼處去。師曰。如大德爲童子時。相貌何在。曰。像成後爲什麼。不鑿照。師曰。雖不鑿照。瞞他一點不得。以上振字。函第五卷。

南嶽第一世 馬祖

江西馬祖道一大師。見南嶽。僧問爲甚說卽心卽

佛。師云。止小兒啼。僧云。啼止時如何。師云。非心

非佛僧云。除此二種人來。如何指示。師云。向伊道。不是物。忽遇其中人來時如何。師云。且教伊體會大道。○師匡徒日。讓師遣一僧去。俟陞堂時。乃出問作麼生。看他道甚言句。僧如所教。回曰。馬大師道自從胡亂後。三十年不曾缺鹽醋。讓然之。振字兩第六卷

南嶽第二世

大梅 南泉 大珠 百丈 歸宗 鹽山 無業

五洩 典善 東寺 歸宗 無業 亮座主 打地 水老 龐居士

明州大梅法常禪師見馬祖問如何是佛。祖云。仰

越州大珠慧海禪師見馬祖有律師法明。謂師曰。

禪師家多落空。師曰。却是座主家落空。明驚曰。

何得落空。師曰。經論是紙墨文字。於聲上建立

名句等法。無非是空。座主執滯教體。豈不落空。

明曰。禪師落空否。師曰。不落空。況文字皆從智

慧而生。大用現前。那得落空。○又有三藏問真

如有變易否。師曰。有變易。三藏曰。禪師錯也。師

却問三藏有真如否。曰有。師曰。若無變易。決定

是凡僧也。豈不聞善知識者。能廻三毒為三聚

淨戒。廻六識爲六神通。真如若無變易。三藏眞是自然外道也。三藏曰。若爾者。真如卽有變易。師曰。若執真如有變易。亦是外道。曰。禪師適來說真如有變易。如今又道不變易。如何卽是。師曰。若見性者。如摩尼珠現色。說變亦得。說不變亦得。若不見性人。聞說眞如變。便作變解。聞說不變。便作不變解。三藏曰。南宗實不可測。○又源律師問。和尚修道。還用功否。師曰。用功。曰。如何用功。師曰。饑來喫飯。困來卽眠。曰。一切人

總如是。同師用功否。師曰。不同。曰。何故不同。師曰。他喫飯時不肯喫。百種須索。睡時不肯睡。干般計較。所以不同。律師杜口。

振字凶
第六卷

又志座主問。何故不許青青翠竹。盡是法身。鬱鬱黃華。無非般若。師曰。法身無像。應翠竹以成形。般若無知。對黃華而顯相。非彼黃華翠竹。而有般若法身。故經云。佛眞法身。猶若虛空。應物現形。如水中月。黃華若是般若。般若卽同無情。翠竹若是法身。翠竹還能應用。座主會麼。曰。不

了此意。師曰。若見性人。道是亦得。道不是亦得。隨用而說。不滯是非。若不見性人。說翠竹著翠竹。說黃華著黃華。說法身滯法身。說般若。不識般若。所以皆成爭論。又問。何故不許誦經。師曰。如鸚鵡。只學人言。不得人意。經傳佛意。不得佛意。而但誦。是學語人。所以不許。曰。不可離文字。別有意耶。師曰。經有明文。我所說者。義語非文。衆生說者。文語非義。得意者。越浮言。悟理者。超文字。

世字兩
第八卷

洪州百丈懷海禪師

參馬祖

大衆雲集次。祖纔陞

座。師乃捲却面前禮拜席。祖便下座。師再參。祖見師來。取禪床角頭拂子豎起。師云。卽此用。離此用。祖挂拂子於舊處。師良久。祖云。你已後開兩片皮。將何爲人。師遂取拂豎起。祖云。卽此用。離此用。師挂拂舊處。祖便喝。師直得三日耳聾。師侍祖行。忽見一羣野鴨飛過。祖問是什麼。師云。野鴨子。祖云。甚處去也。云。飛過去。祖遂把師鼻搗。師負痛。叫阿爺。祖云。又道飛過去。元來只

在這裏師因有省師凡參次有一老人常隨衆聽法忽一日旣散老人不退而白云某甲曾住此山因學人問大修行底人還落因果也無某甲對云不落因果五百生墮野狐身今請和尙代一轉語貴脫狐身遂問大修行底人還落因果也無師云不昧因果老人言下省悟作禮云某甲已脫狐身住在山後乞依此僧例師次頷衆云送此僧衆皆罔測直詣後巖以杖挑出一枚死狐依法火葬至晚上堂舉前因緣黃

問古人錯對一轉語墮野狐身轉轉不錯合作箇什麼師云近前來與你道堯遂近前與師一

掌師笑云將爲胡鬚赤更有赤鬚胡振字子幽第六卷

幽州盤山寶積禪師見馬因於市肆見一客人買猪肉語屠家曰精底割一斤來屠家放下刀

叉手云長史那箇是不精底師言下有省又見人擀喪歌郎振鈴云紅輪決定沉西去未委魂

靈往那方幕下孝子哭云哀哀師忽身心踊躍歸舉似馬祖祖印可

大藏一覽 卷十

見馬

杭州鹽官齊安禪師

子來者云破也師云扇子既破還我犀牛兒來

者無對

投子代云不辭將出恐頭角不全

婺州五洩靈默禪師見馬到石頭問曰一言相

契卽住不契卽去頭據坐師便行頭隨後召云

闍梨師回首頭云從生至死祇是這箇回頭轉

腦作什麼師有省乃拗折拄杖○僧問何物大

於天地師云無人識得伊僧云還可雕琢也無

師云汝試下手看僧云此箇門中始終事如何

師云汝道目前底事成來得多少時也僧云不

會師云我此間無汝問底僧云和尚豈無接人

處師云待汝求接卽接僧云便請接師云汝欠

箇什麼

京兆興善寺惟寬禪師

見馬

曰居易問既曰禪

師何以說法師曰無上菩提者被於身為律說

於口爲法行於心爲禪應用者三其致一也譬

如江湖在處立名各雖不一水性無二律卽是

法法不離禪云何於中妄起分別又問既無分

別何以修心。師云。心本無損傷。云何要修理。無論垢與淨。一切勿念起。問曰。垢卽不可念。淨無念可乎。師曰。如人眼睛上。一物不可住。金屑雖珍寶。在眼亦爲病。問。無修無念。何異。凡夫也。師曰。凡夫無明。二乘執著。離此二病。是曰眞修。眞修者。不得勤。不得忘。勤卽近執著。忘卽落無明。此心要爾。

湖南東寺如會禪師見馬祖崔相公入寺。見烏雀於佛頭上放糞。乃問師曰。烏雀還有佛性也。無

師云。有。公云。爲什麼向佛頭上放糞。師云。伊爲什麼不向鷄子頭上放。三問師以何得。師曰。見性得。師方病眼。公譏曰。旣云見性。其柰眼何。師曰。見性非眼。眼病何害。公稽首謝之。

廬山歸宗寺智常禪師見馬祖刺史李渤問曰。教中道。須彌納芥子。渤卽不疑。芥子納須彌。莫是妄談否。師曰。使君讀萬卷書。是否。李曰。然。師曰。摩頂至踵。如椰子大。萬卷書向何處著。李俛首而已。李又問大藏教。明得箇什麼邊事。師舉拳。

示之云。還會麼。李云。不會。師云。這箇措大拳頭

也不識。李云。請師指示。師云。遇人卽途中授與。

不識卽世諦流布。以上振字
函第七卷

汾州無業禪師。見馬祖。狀貌瓌偉。祖曰。魏魏佛堂。

其中無佛。師禮問曰。卽心是佛。實未明了。祖曰。

只未了底。心卽是。更無別物。又問。如何是祖。師

密傳心印。祖曰。大德正鬧在。且去。別時來。師纔

出。祖召曰。大德師回首。祖云。是什麼。師便領悟。

禮謝云。某甲講得諸部經論。將謂無人能過。若

不遇師。虛度一生。爾凡學人。問多荅莫妄想。

講州西山亮座主。見馬祖。乃問曰。座主大講得

經論。是不。亮云。不敢。祖云。將什麼講。亮曰。將心

講。祖曰。心如工技。見意如和技者。爭解講得經。

亮抗聲云。心旣講不得。虛空莫講得麼。祖云。却

是虛空講得。亮不肯便出。祖召云。座主。亮回首。

祖云。是什麼。亮豁然大悟。歸告聽衆。某甲所講經

論。謂無人。及今被馬師一問。平生工夫。水釋。

忻州打地和尚。見馬祖。凡學者致問。惟以棒打地。

而示之。一日被僧藏却棒。然後問但張其口。

洪州水老和尚。見馬祖問如何是西來的的意。祖

云禮拜著。師纔禮拜。祖便與一踏。師大悟。起來

撫掌呵呵大笑云。也大奇。也大奇。百千三昧。無

量妙義。只向一毛頭上。便識得根源去。

襄州居士龐蘊。字道玄。見馬祖世儒爲業。少悟塵

勞。家珍數萬。沉棄洞庭。有女靈照常隨。製竹漉

籬。令鬻之。以供朝夕。謁馬祖。問曰。不與萬法爲

侶者。是什麼人。祖云。待汝一口吸盡西江水。卽

向汝道。居士言下頓領玄要。曾有偈曰。有男不

婚。有女不嫁。大家團樂頭。共說無生話。一日因

丹霞相訪。見女靈照。問曰。居士在否。靈照放下

籃子。斂手而立。霞又云。居士在否。靈照便提籃

而去。居士將入滅。令靈照出視。日午否。照曰。日

中矣。而有蝕也。居士出看。照登父坐。合掌而込。

居士笑曰。我女鋒捷矣。於是更延七日。州牧于

公頓問疾。居士謂曰。但願空諸所有。慎勿實諸

所無。好住世間。皆如影響。枕公膝而化。以上振

字函第

南嶽第三世

鴻山 黃葉 石霜
大安 古靈 趙州

長沙 祇林 子湖 普化 甘贊 秘魔
五臺通

潭州瀉山靈祐禪師見百丈侍次。丈云。汝撥鑪中

有火否。師撥云無。丈自深撥。忽得少火。舉以示

云。此不是火。師忽省悟。丈云。欲見佛性。當觀時

節因緣。時節既至。方省已物。不從他得。○師睡

起。與仰山說。我適來得一夢。汝試原看。仰山取

一盆水。與師洗面。少頃香巖亦來問訊云。我適

人騎牛至家。師曰。始終如何。保任。丈曰。如牧牛

人。執杖視之。不令犯人苗稼。師自茲領旨。更不馳

求。○上堂云。大安在瀉山。三十來年。喫瀉山飯

。倚瀉山尿。不學瀉山禪。只看一頭水牯牛。若落

路。入草便牽出。若犯人苗稼。卽鞭撻調伏。既久

可憐。生如今變作箇露地白牛。常在面前。終日

露迥迥地。趕亦不去也。○又云。有句無句。如藤

倚樹。疎山聞。遂徑往彼請問。值師泥壁次。便問

有句無句。如藤倚樹。豈不是和尚道。師云。是。疎

大藏一覽 卷一 五十四

云。忽遇樹倒，藤枯時如何。師放下泥盤，呵呵大笑。歸方丈，疎隨後云：某甲四千里賣却布單，特爲此因緣來。和尚何得相弄。師云：侍者討錢還伊去。囑云：後有獨眼龍爲汝點破在。疎後到明，招舉前話。招云：大瀉可謂頭正尾正，祇是不遇知音。疎却問樹倒藤枯時如何。招云：更使瀉山笑轉新疎，忽有省。乃云：瀉山元來笑中有刀。遂

逢禮悔過

統要
五卷

福州古靈神讚禪師

見百丈

師本州大中受業，行

一夢寂子原了。汝更與我原看。香巖乃點一椀茶來。師云：二子見解，過於鶩子。

洪州黃蘗希運禪師

見百丈

丈問曰：甚處來。曰：大

雄山下採菌子來。丈曰：還見大蟲麼。師便作虎聲。丈拈斧作碎勢。師卽打丈一摑。丈吟吟大笑。便上堂謂衆曰：大雄山下有一大蟲，諸人也須好看。百丈老漢今日親遭一口。○裴相以所解一篇示師。師接置於坐，略不披閱。良久云：會麼。公示未測。師云：若便恁麼，會得猶較些子。若形

於紙墨。何有吾宗。

潭州石霜山性空禪師

見百丈

僧問如何是西來

意。師曰。若人在千尺井中。不假寸繩。你若出得

此人。卽答汝西來意。仰山後問耽源。如何出得

井中人。耽源曰。癡漢誰在井中。仰山再問。馮山

如何出得井中人。馮山乃呼慧寂。寂應諾。馮山

曰。出也。仰山曰。我在耽源處得名。馮山處得地。

福州大安禪師

見百丈

問曰。學人欲識佛。何者卽

是。丈曰。大似騎牛覓牛。師曰。識後如何。丈曰。如

脚事畢。却回省覲。受業師問曰。汝離吾去。得何

事業。曰。並無事業。一日因浴。命師去垢。師乃拈

背曰。好所佛殿。而佛不聖。其師回首視之。師曰。

佛雖不聖。且能放光。其師又一日。在窻下看經。

蜂子投窻紙。求出。師視之曰。世界如許廣闊。不

肯出。鑽他故紙。驢年出得。其師置經。問曰。汝行

脚。遇何人。每每發言異常。師曰。某甲蒙百丈指

箇歇處。其師致齋。請師說法。乃曰。靈光獨耀。迥

脫根塵。體露真常。不拘文字。心性無染。本自圓

成但離妄緣卽如如佛。其師言下感悟曰。何期

垂老得聞極則事。

以上振字
函第九卷

趙州從諗禪師見南泉問如何是道。泉云。平常心

是道。師云。可趣向否。云。趣向卽乖。師云。不擬又爭知是道。泉云。道不屬知不知。知是妄覺。不知是無記。若直達不疑之道。猶如太虛廓然虛豁。豈可強是非耶。師頓悟玄旨。○師尋常見僧來問云。曾到此間麼。云。曾到。師云。喫茶去。或云。不曾到。師亦云。喫茶去。僧問如何是祖師西來意。

師云。庭前栢樹子。僧云。和尚莫將境示人。云。我不將境示人。云。如何是祖師西來意。云。庭前栢

樹子。○僧問萬法歸一。一歸何處。師云。老僧在

青州作得一領布衫重七斤。○僧問學人乍入

叢林。乞師指示。師云。喫粥了未。云。喫粥了。師云。

洗鉢盂去。其僧契悟。○師因侍者報。大王來也。

師云。萬福大王。者云。未到。師云。又道來也。

黃龍南云。頭頭漏泄。罕遇仙陀。侍者解報。客不知身。在帝鄉。趙州入草。求人。不覺。禪身泥水。○又

云。如珠在掌。胡來胡現。漢來漢現。老僧把一枝

草爲丈六金身用。把丈六金身爲一枝草用。佛是煩惱。煩惱是佛。有僧問。未審佛是誰家煩惱。師云。與一切人煩惱。僧云。如何免得。師云。用免作麼。○有婆令人送錢物至。請轉藏經。師受施利。便下禪牀轉一匝。乃云。傳語婆婆。轉藏經已竟。回舉似婆婆。婆云。請轉全藏。如何祇爲轉半藏。

或出大隨語
續要六卷

湖南長沙景岑禪師

見南泉

上堂云。我若一向舉

揚宗教。法堂草深一丈。事不獲已。所以向諸人

道盡十方世界是沙門眼。盡十方世界是自己。光明盡十方世界在自己。光明裏盡十方世界無一人不是自己。光未發時。尚無佛無衆生消息。何處得山河國土來。○師遣一僧問同叅。會和尚見南泉後如何。會默然。未見南泉前作麼生。會云。不可更別有。僧回舉似。師示一偈。百丈竿頭不動人。雖然得入未爲真。百丈竿頭須進步。十方世界是全身。僧問百丈竿頭如何進步。師云。朗州山澧州水。僧云。請師道。師云。四海五

湖皇化裏。師召尚書。書應諾。師曰。不是尚書。本命對曰。不可離却。卽今祇對。別有第二主人。師曰。喚尚書作至。尊得麼。書曰。恁麼總不祇對。時。莫是弟子主人否。師曰。非但祇對。與不祇對。時。無始劫來。是箇生死根本。有偈曰。學道之人。不識真。只爲從前認識神。無始劫來生死本。癡人喚作本人身。

衢州子湖巖利蹤禪師。見南泉上堂云。子湖有一隻狗。上取人頭。中取人心。下取人足。擬議卽喪。

身失命。臨濟下二僧到叅。方揭簾。師曰。看狗。二僧回顧。師歸方丈。師中夜於僧堂前叫賊賊。大衆皆驚。有一僧從僧堂內出。被師把住云。捉得捉得。僧云。不是某甲。師云。是卽是。只是不肯承當。

池州甘贄行者。見南泉因化主至。問是甚處。主云。

藥山者云。還將得藥來麼。主云。未審有什麼病者。取銀百兩施之。復云。山中有人。此物乃回。主尋歸山。納疏藥山問。何歸遽速。主叙前話。藥山

云遭賊了也。急送還他。主及送還者云。山中有

人更添百兩施之。

內此統要第四卷

五臺山秘魔巖和尚

見永泰端

常持一木叉。每見僧

來禮拜。卽叉却頸云。那箇魔魅教汝出家。那箇

魔魅教汝行脚。道得也。叉下死。道不得也。叉下

死。速道。鮮有對者。

法眼代云。乞命法燈代云。但引頸示之。玄覺代云。老兒家

放却叉子得也。

湖南祇林和尚

見永泰端

每叱文殊普賢。皆爲精魅

手持木劍。自謂降魔。纔有僧叅。便云。魔來。以劍

亂揮。潛入方丈。如是十二年。後置劍無言。僧問

十二年前。爲什麼降魔。師曰。賊不打貧兒家。曰。

十二年後。爲什麼不降魔。師曰。賊不打貧兒家。

鎮州普化和尚

見盤山

佯狂無度。或城市。或塚間。

振一鐸云。明頭來也打。暗頭來也打。一日臨濟

令僧捉住云。不明不暗時如何。答曰。來日大悲

院裏有齋。凡見人無高下。皆振鐸一聲。時號普

化和尚。或將鐸就人耳邊振之。或拊其背。有四

顧者。卽展手云。乞我一錢。臨濟與河陽木塔長

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

老同坐。因說普化風顛。知他是凡是聖。偶師到來。濟便問。汝是凡是聖。師云。汝且道我是凡是聖。濟便喝。師指云。河陽新婦子。木塔老婆禪。臨濟小厮兒。却具一隻眼。濟云。這賊。師云。賊便出去。○師將示滅。謂人曰。乞箇直殺。或與披襖。或與布裘。皆不受。時臨濟令人送與一棺。師笑曰。臨濟厮兒。饒舌。便受之。告衆曰。明日去東門遷化。郡人皆送。厲聲曰。今日葬不合青烏。第二日南門遷化。人亦隨之。又曰。明日西門。方吉人。

出漸稀。第四日自擎棺出北門外。振鐸入棺而逝。人揭視之。不見。唯聞鐸聲漸遠。盤山將順世告衆曰。有人邈得吾真否。或將頂相呈似。皆不契。師曰。某甲邈得。山云。何不呈似老僧。師打筋斗而出。山云。這漢向後如風狂佞人去在。以上振字

函第十卷

五臺山智通禪師。見歸宗忽一夜叫云。我大悟也。

明日歸宗問。昨夜大悟。底僧出來。師出。宗云。汝見什麼道理。說似看。師云。師姑天然是女人作。

宗異之

振字函第十卷

南嶽第四世

師山香山王常侍俱服

靈雲道吾

未山臨濟

袁州仰山慧寂禪師

見瀉

問曰。汝是有主沙彌。

無主沙彌。師曰。有主。瀉曰。在什麼處。師從西過。

東立。瀉異之。一日瀉問甚處去來。師曰。田中來。

瀉曰。田中多少人。師插鋤而立。瀉曰。今日南山

大有人刈茅在。師舉鋤而去。

玄沙云。我若見即踢倒鋤子。僧問。鏡

清玄沙。蹋鋤其意如何。清云。勿奈那。何打破厚牛。

忽有異僧從空而

至。師問。近離甚處。曰。早離西天。師曰。何太遲生。

曰。遊山翫水。師曰。神通妙用。不無闍梨佛法。須

還老僧。曰。特來禮文殊。却遇小釋迦。

此出統要五卷

鄧州香巖智閑禪師

見瀉

瀉問本分事。試道一

句來。師進數語。瀉皆不許。師請為說。瀉曰。吾說

是吾之見解。於汝何益。師徧檢諸方語句。無一

言可對。乃自歎曰。畫餅不可充饑。於是盡焚之。

泣辭瀉去。抵南陽忠國師遺跡止焉。一日除草。

因以瓦礫擊竹作聲。廓然省悟。焚香遙禮瀉山。

云。當時若爲我說却。何有今日事也。乃述偈云。
一擊忘所知。更不假修治。處處無蹤跡。色色外
威儀。諸方達道者。咸言上上機。瀉見向仰山道
香巖擊竹會處。有投機頌。仰云。恐宿構來。待某
甲問過。見巖便云。師兄頌未。在更道。師云。去年
貧。未是貧。今年貧。始是貧。去年無卓錫之地。今
年錫也無。仰云。如來禪還師兄會。祖師禪未夢
在。師又呈一頌。吾有一機。瞬目示伊。若也不會。
別喚沙彌。仰云。且喜師兄會得。祖師禪。

福州靈雲志勤禪師

見瀉山

因桃花悟道。有偈。三

十年來尋劍客。幾逢葉落幾抽枝。自從一見桃

華後。直至如今更不疑。瀉印可從緣悟達。永無

退失。玄沙云。諦當甚諦當。敢保老兄。猶未徹衆

會藏云。不是桂琛

疑此語。玄沙問地藏。我恁麼道。汝作麼生

即走殺天下人

襄州王敬初常侍

見瀉山

視事次。米和尚至。王乃

舉筆。米曰。還判得虛空否。公擲筆入宅。更不出。

米致疑。明日憑鼓山主。往探其意。米隨潛聽。主

乃問。昨日米和尚有甚言句。不得相見。王曰。師

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大藏一覽 卷一 之三

子敲人韓獹逐塊米聞乃省遽出笑曰我會也
婺州金華俱胝和尚見天龍有尼到庵稍晚師乃
留宿尼曰道得卽宿師無對尼去後師歎曰我
雖丈夫而無丈夫之氣擬往諸方叅尋去其夜
山神告曰不須離此將有大菩薩來爲和尚說
法也果旬日天龍和尚到庵師具陳前事天龍
豎一指示之師乃大悟凡叅學到師唯舉一指
別無提唱臨終曰吾得一指禪平生用不盡
襄州關南道吾和尚見關南常因聞巫者樂神云識

神也無師忽省悟凡上堂披緋執簡作舞云打
動關南鼓唱起德山歌僧問如何是和尚家風
師下禪床作女人拜云謝子遠來無可祇待

筠州末山尼了然見大愚因灌溪閑和尚到山問

如何是末山師云不露頂又問如何是末山主

師云非男女相閑乃喝云何不變去師云不是

神不是鬼變箇什麼以上綴字函第一卷

鎮州臨濟義玄禪師見黃蘗在龔會中第一座勉

令問話師乃問如何是祖師西來的的意龔遂

大藏一覽 卷一 六十三

力辨一覽 卷一
與二十棒。如是三問。三回遭打。乃告辭第一座。
云。累蒙和尚賜棒。所恨愚魯。且行脚去。第一座
遂白。藥云。玄上座。雖是後生。却甚奇特。辭和尚
時。願垂提誨。師明日乃辭藥。指往大愚。愚問什
麼處來。云。黃藥來。藥有何言句。師舉前話。三問
三回被打。不知過在甚處。愚云。黃藥恁麼老婆。
爲汝得徹困。猶覓過在。師言下悟。乃云。元來黃
藥佛法無多子。愚搗住云。尿床鬼子。適來又道
不會。而今却道佛法無多子。你見什麼道理。速

道速道。師乃於愚肋下連築三拳。愚托開云。汝
師黃藥非干我事。師返黃藥。遂舉此話。藥云。這
大愚漢。待見痛與一頓。師云。說甚待見。卽今便
打。藥遭一掌。藥云。風顛漢。敢來這裏捋虎鬚。師
便喝。藥云。侍者引這風顛漢。叅堂去。○上堂云。
汝等諸人。赤肉團上。有一無位真人。常向面門
出入。未證據者看。時有僧問。如何是無位真人。
師下禪床。把住云。道道。僧擬議。師托開云。無位
真人。是什麼乾屎橛。

鎮州寶壽沼和尚見臨濟問胡釘鉸云汝還釘得

虛空否胡云請和尚打破來師便打胡云莫錯

打某甲師曰向後有多口阿師與汝點破在胡

後到趙州舉前話問不知某甲過在甚處州云

祇這一縫尚不奈何胡於此有省綴字函第二卷

魏府興化存獎禪師見臨濟因同光帝云朕收中

原得一顆明珠未有人酬價師曰請陛下珠看

帝以手展幞頭脚示之師曰君王之寶誰敢酬

價帝大悅綴字函第二卷

鄭十三娘見山十二歲時隨師姑到瀉山纔禮

拜起瀉問這師姑什麼處住姑云南臺瀉便喝

出又問背後老婆甚處住三娘近前叉手立瀉

再問三娘云早箇呈似了也瀉云去下到法堂

姑云三娘道我會禪口如劒利今日被問總無

一語三娘云苦哉作這箇眼目也道我行腳三

娘後又舉似羅山云祇如三娘見瀉山恁麼祇

對平穩也無羅云也不得無過云過在甚處羅

叱之。三娘云錦上更添花。統要第一卷

南嶽第七世南嶽湧泉陽淨

南塔光湧禪師見仰山仰問我何似一頭驢。師曰

見和尚佛亦不似。仰曰若不似佛似箇什麼。師

曰若有所似與驢何別。仰甚肯之。僧寶傳上

郢州興陽歸淨禪師見西院問曰擬問不問時如

何。院便打。師良久。院云若喚作棒。眉鬚墮落。師

言下悟。統要第六卷

南嶽第十二世黃龍南

洪州黃龍慧南禪師見慈明問閑上座。人人盡有

生緣。上座生緣在什麼處。閑云早晨喫白粥而

今肚又飢。師云我手何似佛手。閑云月下弄琵琶。師云我脚何似驢脚。閑云鷺鷥立雪非同色。時謂之黃龍三關。統要第六卷

南嶽第十三世黃龍心

黃龍祖心禪師見黃龍南因閱傳燈。至僧問多福禪

師如何是多福一叢竹。福曰一莖兩莖斜。僧曰

不會。福曰三莖四莖曲。言下頓悟。後問南曰大

法藏一鏡

事本來如是。和尚何用教人看話。下語百計。搜尋。南曰。若不令汝如此。究尋到無心處。自見自肯。卽埋沒汝也。師時時往決雲門語句。南曰。知是般事。便休。用許多工夫作麼。心曰。但纖疑在。不到無學。安能七縱八橫。天回地轉。南肯之。僧寶

下傳

清原派

思禪師

吉州清原山行思禪師。問六祖曰。當何所務。卽不落階級。祖曰。汝曾作什麼。師曰。聖諦亦不爲。

祖曰。落何階級。曰。聖諦尚不爲。何階級之有。祖深器之。○師問石頭什麼處來。曰。曹谿來。師拈拂子云。曹谿還有這箇麼。曰。非但曹谿。西天亦無。師曰。子莫曾到西天不。曰。若到卽有也。師云。未。在。更道。曰。和尚也須道取一半。莫全靠希遷。師云。不辭。向汝道。恐以後無人承當。師令石頭馳書與南嶽。回日有箇鋤斧。與子住山去。頭到便問。不慕諸聖。不重己靈。時如何。嶽曰。子問太高生。何不向下問。頭云。乍可永劫受沉淪。不從

諸聖求解脫。便歸。師問子返何速。書信達否。頭云。書亦不通。信亦不達。乃舉前語。復云。去日和尚許箇鉏斧。而今便請師垂一足。頭便禮。

清原第一世 石頭

南嶽石頭希遷大師。見清原原問子何方來。師曰。曹谿來。原曰。將得什麼來。師曰。未到曹谿亦不失。原曰。任麼用。去曹谿作什麼。師曰。若不到曹谿。爭知不失。師問曹谿大師還識和尚否。原曰。汝今識吾否。師曰。識。又爭能識得。原曰。衆角雖

多。一麟足矣。以上振字函第五卷

清原第二世 丹霞 藥山 大巖 長髭

鄧州丹霞天然禪師。見石頭因入長安取第。偶禪客問何往。曰。選官去。禪曰。選官何如。選佛。師抵南嶽。一日石頭告衆。來日剋殿前草。大衆各備鋏。鏝剋草。獨師以盆盛水淨頭。於和尚前胡跪。頭笑而剃。又為說戒。師乃掩耳而出。便往江西。謁馬大師。未參。徑入僧堂。騎聖僧頸而坐。大衆驚愕。報馬師至。視之。曰。我子天然。師下禮拜。曰。

謝賜法號。因名天然。

鄂州藥山惟儼禪師見石師坐次石頭觀之。問

曰。汝在這裏作麼。曰。一切不爲。頭曰。恁麼。卽閑

坐。曰。若閑坐卽爲。頭曰。且不爲箇什麼。曰。千聖

亦不識。頭以偈讚曰。從來共住不知名。任運相

將只麼行。自古上賢猶不識。造次凡流豈敢明。

潮州大顛和尚見石頭問曰。那箇是汝心。師曰。

語言者是。被頭喝出。經旬日。師却問曰。前者旣

不是。除此外何者是。心頭曰。除却揚眉動目。將

心來。師曰。無心可將來。頭曰。元來有心。何言無
心。無心盡同謗。師言下大悟。

潭州長髭曠禪師見石頭問甚處來。曰。嶺南來。

頭曰。嶺頭一尊功德成就也未。師曰。成就久矣。

只欠點眼在。頭曰。莫要點眼麼。師曰。便請頭乃

翹一足。師便禮拜。頭曰。汝見什麼道理。便禮師

曰。據某甲所見。如洪爐上一點雪。

清原第三世

龍潭

雲巖

船子

豐州龍潭崇信禪師見天問某自到來不蒙指

示心要。皇曰。汝擎茶來。吾爲汝接。汝行食來。吾爲之汝和南時。吾便低首。何處不指心要。師低頭良久。皇曰。見則直下。便見擬思。卽差。師忽開解。復問如何。保任。皇曰。任性逍遙。隨緣放曠。但盡凡心。別無聖解。

潭州雲巖曇晟禪師。

見藥山

師煎茶次。道吾問煎

與阿誰。師曰。有一人要。吾曰。何不教伊自煎。師曰。幸有某甲在。○吾問大悲。千手眼。那箇是正眼。師曰。如無燈時。摸得枕头子。吾曰。我會也。師曰。

作麼生會。吾云。徧身是手眼。師云。只道得八九成。吾云。師見作麼生。師云。通身是手眼。○師掃地次。瀉山云。太區區生。師云。須知有不區區者。瀉云。恁麼卽有第二月也。師豎起掃帚云。這箇是第幾月。瀉休去。○師不安。吾謂曰。離此殼漏子。向什麼處相見。師云。不生不滅處相見。吾云。何不道非不生不滅處。亦不求相見。

華亭船子德誠禪師。

見藥山

謂同叅道。吾曰。遇有

靈利座主。指一箇來。吾乃指夾山會。向船子處

去船纔見便問座主住什麼寺。夾云寺卽不住。師云不似又不似箇什麼。夾曰目前無相似。師曰何處學得來。夾曰非耳目之所到。師云一句合頭語萬劫繫驢橛。師又問垂絲千尺意在深潭。離釣三寸子何不道。夾擬開口師便以篙打落水中。夾省點頭。師云釣盡江波金鱗始遇。夾乃掩耳。師云如是如是。

朗州刺史李翱見藥山慕山道風屢請不赴。乃躬入山謁之。山執經不顧。翱曰見面不如聞名。拂

袖便行。山召云太守何得貴耳賤目。翱遂回問

曰如何是道。山以手指上下曰會麼。翱曰不會。

山曰雲在天水在瓶。翱欣慚作禮而述一偈。

練得身形似鶴形。千株松下兩函經。我來問道

無餘說。雲在青天水在瓶。玄覺云且道李太守

是行脚眼始得。翱又問如何是戒定慧。山曰這裏無

此閑家具。翱莫測玄旨。山曰太守保任此事。直

向高高山頂坐。深深海底行。闍閣中物捨不得。

便爲滲漏。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

卷十一 七十一

漳州三平山義忠禪師見大巖初叅石鞏鞏每以

弓箭接人師纔至鞏喝看箭師披襟當之乃曰

此是殺人箭活人箭又作麼生鞏扣弓弦三下

師便作禮鞏云三十年架一張弓只射得半箇

聖人以上綴字

韓愈文公見大巖問曰弟子軍州事多首要處乞

師一句巖良久公因措三平為侍者乃敲禪床

三下巖云作麼平曰先以定動然後智拔公禮

謝於三平云和尚門風高峻弟子於侍者邊得

箇入處

統要第七卷

清原第四世

德山 清平 投子
石霜 漸原 洞山
夾山

朗州德山宣鑒禪師見龍潭一夕室外默坐潭問

何不歸來師對曰黑潭乃點紙燭度與師擬接

潭便吹滅師乃作禮潭云子見什麼師云某甲

從今向去不疑天下老和尚舌頭也明日潭上

堂云可中有箇漢牙如劍樹口似血盆一棒打

不回頭他時向孤峯頂上立吾道在師遂取疏

大藏一覽 卷十一 七十一

鉢於法堂前。秉起炬云。窮諸玄辯。若一毫致於
太虛。竭世樞機。似一滴投於巨壑。疏鉢便燒。於
是禮辭。○師抵瀉山。挾複子直上法堂。從西過
東。從東過西。顧視方丈。偶瀉山坐次。殊不顧盼。
師云。無無。便出。至門首却云。也不得草草。重具
威儀。再入。相見。跨門。便提起坐具云。和尚。瀉擬
取拂子。師便喝。拂袖出。瀉至晚。問首座。今日新
到。在甚處坐。云。當時背却法堂。著草鞋出去。瀉
云。還識此人麼。云。不識。瀉云。此箇阿師。已後向

孤峯頂上。盤結草庵。訶佛罵祖。去在。○師凡遇
僧叅。多以拄杖打。僧云。某甲方始禮拜。爲甚便
打。師云。你是甚處人。云。新羅人。師云。汝上船。舷
時。便好與三十拄杖。又有僧出。師又打。僧曰。某
甲話尚未問。爲甚便打。師曰。待汝開口。堪作什
麼。○師垂示云。我這裏。無佛無祖。達磨是老狐。
臊釋迦。老子是乾屎橛。文殊普賢。是擔屎漢。等
覺妙覺。是破執凡夫。菩提涅槃。是繫驢橛。十二
分教。是鬼神簿。是拭瘡疣紙。四果三賢。初心十

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

地是守古塚鬼自救不了雲門云讚佛讚祖須是德山老人始得頭

邪云謂方若汝麼會入地獄如箭只○統要第

如雲門汝麼道也是入地獄如箭 ○七卷

鄂州清平山令德禪師見翠微問如何是西方的

的意微曰待無人卽向汝說師良久曰無人請

和尚說微下禪床引師入園師又曰無人請和

尚說微指竹曰這竿得恁麼長那竿得恁麼短

師領微言後開堂曰出家人須會佛意始得若

會佛意不在僧俗男女貴賤但隨家豐儉諸人

莫空氣高一生空度若不會佛意直饒頭上出

水足下出火燒身煉臂聰慧多辯聚徒一千二

千講得天拳亂墜只成箇邪說爭競是非去佛

法大遠在僧問如何是大乘師曰麻線問如何

是小乘師曰錢貫問如何是清平家風師曰一

斗麪作三箇蒸餅問如何是有漏師曰箢籬問

如何是無漏師曰木杓問覲面相呈時如何師

曰分付與典座師凡問答方便逗機語超格量

舒州投子山大同禪師見翠微初閱華嚴發明性

海次謁翠微問西來密旨和尚如何示人微駐

地痛一覽 卷十 十一
步少時。又曰。乞師垂示。微曰。更要第二杓惡水。作麼。師禮謝而退。微曰。莫揅却。師曰。時至根苗。自生。○師偶出。雖趙州聞師之名。而未嘗識。一日相訪。見師携一銚油。自外而歸。趙曰。久嚮投子。到來只見賣油翁。師曰。汝只見賣油翁。且不識投子。趙曰。如何是投子。師曰。油油。
潭州石霜山慶諸禪師見道吾在瀉山作米頭。篩米次。瀉云。施主物。莫拋撒。師曰。不拋撒。瀉於地上。拾得一粒。云。這箇什麼處得來。莫欺這一粒。

子。百千粒。從這一粒生。師曰。未審這一粒。從什麼處生。瀉呵呵笑。晚上堂云。大衆米裏有蟲。○師後叅道吾。吾曰。我心中有物。久而爲患。誰可除之。師曰。心物俱非。除之益患。吾曰。賢哉。○師居方丈。有僧在窗外問。咫尺之間。爲甚不覩師顏。師曰。我道。徧界不曾藏。僧舉問雪峯。峯曰。什麼處不是石霜。僧回舉雪峯語呈師。師曰。老大漢。有什麼死急。

潭州漸源仲興禪師見道吾

同吾去檀越家吊喪

師以手拊棺曰。生耶死耶。吾曰。生也不道。死也不道。師曰。爲什麼不道。吾曰。不道不道。吊畢同回途次。師曰。和尚須與某道。儻若不道。打和尚去。吾曰。打卽任打。生也不道。死也不道。師便打吾歸院。令師且去。少間主事得知不便。師辭乃往石霜。舉似前語。請和尚道。霜曰。汝不見道。吾道。生也不道。死也不道。師忽有省。設齋懺悔。後持鉢子於法堂上。從東過西。從西過東。霜曰。作麼。師曰。覓先師靈骨。霜曰。洪波浩渺。白浪滔天。

覓什麼靈骨。師曰。正好着力。霜曰。這裏針劄不入。著什麼力。

筠州洞山良价見雲巖。師問巖。百年後忽有人問。

還貌得師真。如何祇對巖云。但向伊道。卽這箇是。師良久。巖云。承當這事。大須審細。心猶涉疑。後因過水。覩影大悟。偈曰。切忌從他覓。迢迢與我疎。我今獨自往。處處得逢渠。渠今正是我。我今不是渠。應須恁麼會。方得契如如。

澧州夾山善會禪師見船。因道。吾至。見師上堂。

僧問如何是法身。師曰。法身無相。問如何是法眼。師曰。法眼無瑕。吾乃大笑。夾疑。下座問吾。吾曰。和尚出世。未有師在。可往華亭叅船子去。師乃直造。師資相契。語見船子章僧問。從上立祖意。教意。此間爲什麼言無。師曰。三年不食飮。目前無饑人。僧曰。旣無饑人。某甲爲什麼不悟。師曰。只爲悟迷。却闇梨頌曰。明明無悟法。悟法却迷人。長舒兩脚睡。無僞亦無真。僧問。如何是夾山境。師曰。猿抱子歸青障裏。鳥銜花落碧巖前。

法眼云老僧二十年作境話會浮山云直饒不作境話會亦未會在何故犀因龍月通於角象被雷驚○以上其字函第五卷花入牙注出統要第七卷

清原第五世

巖頭 雪峯 高亭 龍牙 雲居 曹山 欽山

鄂州巖頭全豁禪師。見德山與雪峯欽山爲友。師叅德山。纔跨門。便問。是凡是聖。德山喝。師便禮。洞山聞舉。乃云。若不是豁公。大難承當。○師因與雪峯同訪欽山。至鼇山鎮阻雪。師每日祇是打睡。峯一向坐禪。因喚師起。師乃喝云。噫。睡去。

大藏一覽 卷十
每日床上坐。恰似三家村裏土地。他時後日。魔
昧人家男女去在。峯云。某甲這裏未穩在。師云。
我將謂你他後。向孤峯頂上。播揚大教。猶作這
箇語話。據你見處。一一通來。是處與你證明。不
是處與你刻却。峯云。某甲初到鹽官。見舉色空
義。得箇入處。師云。此去三十年。切忌舉著。又因
洞山偈云。切忌隨他覓。迢迢與我踈。云云師云。若
恁麼自救不徹。峯又云。後問德山。從上宗乘。學
人還有分也無。山打一棒。云道什麼。我當時豁

然如桶底脫。師喝云。你不聞道。從門入者不是

家珍。一一須從自己。曾襟流出將來。蓋天蓋地

去。峯言下大悟。云。今日始是鼇山成道。此出統要八卷

福州雪峯義存禪師。見德山九上洞山。三上投子。

因緣不契。後叅德山。問從上諸聖。以何法囑受

於人。山云。我宗無語句。亦無一法與人。○僧問。

學人乍入叢林。乞師指示。師云。寧碎身如微塵。

終不瞎却師僧眼。示衆云。我若東道西說。汝卽

尋言逐句。我若羚羊挂角。你向什麼處摸捺。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

襄州高亭簡禪師見德山隔江見山遙合掌云不

審山以扇子招之師忽開悟乃橫趨而去以上續字

函第
六卷

筠州九峯道虔禪師見石霜師在石霜為侍者因

普會遷化眾舉首座住持師云明得先師意始

可住遂問先師道如古廟裏香鑪去冷湫湫去

如一條白練去口邊生醜去首座作麼生會座

云明一色邊事師云未會先師意在座云裝香

來我若不會先師意香煙起時脫去不得香煙

纔起座遂脫去師撫背云坐脫立亡即不無首

座先師意未夢見在此出統
要八卷

洪州雲居道膺禪師見洞山問甚處來師曰踏山

來洞曰那箇山堪住師曰那箇山不堪住洞曰

恁麼即國內總被閹梨占却師曰不然洞曰恁

麼即子得箇入路師曰無路洞曰若無路爭得

與老僧相見師曰若有路即與和尚隔生去也

洞曰此子已後千人萬人把不住○成尚書送

供至問曰世尊有密語迦葉不覆藏如何是世

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

尊密語。召曰。尚書。書應諾。師曰。會麼。曰。不會。師曰。汝若不會。世尊有密語。汝若會。迦葉不覆藏。○師云。地獄未苦。向袈裟下不明大事最苦。汝等在這行流十分去九。不較多也。更著些子氣力。不負平生行脚。汝若大事未辦。且須履踐玄途。大隱云。人人具足。不肯承當。流浪死生。何時了。日非惟袈裟下不明。最苦。但巾鉢下不明。亦苦。若打大事未徹。且般若中下箇種子當生。必果。

撫州曹山本寂禪師見洞山因辭洞山。問什麼處去。師曰。不變異處去。洞云。不變異。豈有去耶。師

曰。去亦不變異。以上綴字 函第七卷

師受洞山寶鏡三昧五位顯訣。正中偏偏中正 正中來偏中至

兼中釋曰。正位即空界。本來無物。偏位即色

界。有萬形象。偏中至者。捨事入理。正中來者。背

理就事。兼帶者。冥應衆緣。不隨諸有。非正非偏。

此位最妙。又曰。君是正位。臣是偏位。臣向君是

偏中正。君視臣是正中偏。君臣道合是兼帶語。

又有三種滲漏。一見滲漏。謂機不離位。墮在毒

海。二情滲漏。謂智常向背。見處偏枯。三語滲漏。

謂體妙失宗。機昧終始。僧寶傳上

湖南龍牙山居遁禪師。見洞山師問翠微。如何是

祖師意。微曰。與我過禪板來。師過禪板。微接便

打。師曰。打卽任打。且無祖師意。又問臨濟。如何

是祖師意。濟曰。與我過蒲團來。師過蒲團。濟接

便打。師曰。打卽任打。且無祖師意。師後問洞山。

如何是祖師意。山曰。待洞水逆流。卽向汝道。師

頓明旨。○示衆云。祖教佛教似生冤家。始有學

分。若透祖佛不得。卽被祖佛謾去。時有僧問。

佛還有謾人之心也無。師曰。汝道江湖還有礙
人之心也無。師又曰。江湖雖無礙人之心。爲時
人過不得。江湖成礙人去不得。道江湖不礙人
然。祖佛雖無謾人之心。爲時人透不得。祖佛成
謾人去。若透得祖師過。始是體得祖佛意。方與
向上古人同。如未透得。但學佛學祖。則萬劫無
有得期。無非須是自悟去也。

京兆覲子和尚。見洞山不畜道具。不循律儀。常採

蝦蜆以充口腹。夜卧白馬廟紙錢中。華嚴靜師

試勘真假先竄紙錢之間深夜師歸靜把住問
曰如何是西來意師曰神前酒臺盤靜奇之

澧州欽山文邃禪師

見洞山

僧問一切諸佛法皆

從此經出如何是此經師曰常轉曰未審經中

說什麼師曰有疑請問問如何是和自家風師

曰錦帳銀香囊風吹滿路香

以上續字函第七卷

清原第六世

玄沙

長慶

鼓山

佛日

福州玄沙宗一大師

見雪峯

初出飛後嶺頭觸波

脚指頓悟云達磨不來唐土二祖不往西天更
不出嶺○示衆云諸人只因前塵色聲香味等
法而有分別便認此昭昭靈靈是汝真實這箇
喚作認賊爲子正是生死根本若無前塵汝此
昭昭靈靈同於龜毛兔角仁者真實在什麼處
汝今欲得出他五蘊身田主宰但識取汝秘密
金剛體圓成正徧徧周沙界譬如日輪世間種
種興營種種心行作業莫非承他日光成立只
如日體還有多般及心行麼還有不周徧處麼

此金剛體亦如是。只如今山河大地。色空明暗。及汝身心。莫非盡承汝圓成威光所現。既有如是奇特。當陽出身處。何不發明。取便隨他。向五蘊身田中。鬼趣裏作活計。○又云。諸方盡道。接物利生。忽遇三種病人。作麼生接。盲者拈椎。聾者教拂。他又不見。聾者語言三昧。他又不聞。瘧者教伊說。又說不得。作麼生接。若接不得。佛法無靈。有僧請益雲。門門不汝。禮拜著僧。拜起。門以拄杖。拄之。僧乃退。問云。汝不是患盲。復喚近前。僧既近前。門云。汝不是患瘧。乃云。還會麼。僧云。不會。門云。汝不是患瘧。其僧於是。有省。雪竇舉了。

便喝云。這百韓。瘧漢。若不是雲門。豈年去。

福州長慶慧稜禪師見雪峯因捲簾頓悟。有頌也。

大差也大差。捲起簾來見天下。有人問我解何

宗。拈得拂子。驀口打。出悟宗集僧問高麗有僧造觀

音像。明州上船。衆捍不起。請入開元寺供養。闍

師既無刹不現身。爲什麼不肯去。高麗師曰。現

身雖普。觀相生偏。法眼別云。汝識得觀音未。

福州鼓山神晏禪師見雪峯纔入門。峯搗任云。是

什麼。師釋然契悟。舉手搖曳。峯云。子作道理耶。

師曰。何道理之有。峯印之。○上堂云。直下猶難會。尋言轉更賒。若論佛與祖。特地隔天涯。以上

函第
八卷

韶州雲門文偃禪師

見雪峯

上堂云。此事若在言

語上。三乘十二分教。豈是無言語。因什麼更道教外別傳。若從學解機智得。只如十地聖人。說法如雲如雨。猶被呵責。見性如隔羅縠。以此故知一切有心。天地懸殊。若是得底人。道火不可燒口。終日說事。不曾道著一字。終日著之。喫飯

未嘗觸著一粒米。挂著一縷線。幾箇到此境界。

○又云。作麼生是聞聲悟道。見色明心。乃云。觀音菩薩將錢來買餠。放下手云。元來只是饅頭。○又云。此事阿誰無分。有什麼不足處。若大用現前。不費一毫氣力。便與祖佛無別。自是諸人惡業濃厚。信根淺薄。突然起許多事。擔囊負鉢。遊州獵縣。觀山翫水。這裏經冬。那邊過夏。受人欺謾。取人處分。纔見老和尚動口。便進步向前。尋言逐句。求覓解會。只是贏得一場口滑。去

道轉遠。何時得休歇去。然他老和尚不得已一期方便。一言半句。通汝入路。有一般掠虛漢。念得滿肚葛藤。到處馳騁。驢唇馬嘴。誇我解問。十轉百轉。都無實地。虛受信施。作麼消得。一旦眼光落地。前頭將甚抵擬。汝等既是拋却師長父母行脚。一等是踏破草鞋。直須剔起眉毛。拗折拄杖。一二十年。徹頭辦取。今世縱然未得。來生亦乃省力。雖然如是。直饒汝等參得。早是撒屎著汝頭上。也是剗肉作瘡。汝且看他德山和尚。

見僧入門便打。睦州和尚見僧便云。現成公案。放汝三十棒。參頌曰。舉不顧。卽差互。擬思量。何劫悟。

太原孚上座。見雪峯鼓山問父母未生時。鼻孔在

什麼處。師曰。老兄先道。山曰。如今生也。汝道在什麼處。師不肯。山却問作麼生。師曰。將手中扇子來。山與扇子。再徵之。師默置。山罔測。乃歐之一拳。○師在庫前。僧問如何是觸目菩提。師踢狗子作聲走。僧無對。師曰。小狗不消一踢。以上纓字

函第九卷

杭州佛日和尚居膺初到夾山。夾問闍梨與什

麼人同行。師曰。木上座。夾曰。他何不來相看。師

云。和尚看他有分。夾同師到堂中。師遂取出柱

杖。擲于面前。夾云。莫從天台得否。師曰。非五岳

之所生。夾云。莫從須彌得否。師曰。月宮亦不逢

夾曰。莫從他人得也。師曰。自己尚如冤家。從人

得堪作什麼。夾云。冷灰裏有一粒豆子爆。

蘇州永光真禪師居膺云。言鋒若差。鄉關萬里。

直須懸崖撒手。自肯承當。絕後再蘇。欺君不得。

京兆永安院善靜禪師見藝典園頭有僧辭。普

曰。四面是山。汝向什麼處去。僧無對。普曰。下得

語中。即從汝去。其僧請師代云。竹密豈妨流水

過山。高那阻野雲飛。普曰。非汝語。僧實告之。以上

第七卷

清原第七世

羅漢洞山初

靜上座薦福石

漳州羅漢桂琛禪師亦曰地藏師插田次。僧到

問曰。南州來。師曰。彼中近日佛法如何。云。商量

浩浩地。師曰。爭如我這裏哉。田博飯喫。僧云。爭
奈三界何。師曰。喚什麼作三界。○悟空大師在
會下。經年不契。直得成病。入涅槃堂。師一夜問
病安樂麼。空云。某甲與和尚緣背。師指燈籠云。
見麼。空云。見。師云。祇這箇也不背。空忽有省。出統
要第
十卷

國清寺師靜上座

見該

有人問曰。弟子夜坐。心

念紛飛。願垂示誨。師曰。如或閑坐。心念紛飛。却
將紛飛之心。以究紛飛之處。究之無處。則紛飛

之念何存。返究究心。則能究之心安在。又能照
之智本空。所緣之境亦寂寂而非寂者。蓋無能
寂之人也。照而非照者。蓋無所照之境也。境智
俱寂。心慮安然。外不尋枝。內不住定。二途俱泯。
一性怡然。此乃還源之要道也。○師因觀教中
幻義。而述一偈。若道法皆如幻。有造諸過惡。應
無咎。云何所作業不亾。而藉佛慈與接誘。世字
函第

卷一

襄州洞山守初禪師

見雲

門問近離什麼處。師

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

九齋一覽 卷十 八十七

曰楂渡。門曰：夏在什麼處。師曰：湖南報慈。門曰：甚時離彼。師曰：去年八月。門曰：放汝三頓棒。師次日上問：昨日蒙放三頓棒，不知過在什麼處。門曰：飯袋子。江西湖南，便汝麼去。師頓悟。世字弟

卷二

薦福承古禪師見雲門示衆：一句語中，須具三玄。是佛知見，諸佛以此法門。度脫衆生，皆令成佛。汾州偈云：三玄三要事難分，總頌得意忘言道。三玄易親。意中玄。一句明明該萬像。體中玄。重陽九日菊。

花新

句中玄 ○ 僧寶傳中

清原第八世 法眼

昇州清涼院文益禪師見羅去上堂次：子方上座

自長慶來。師舉先長慶偈，問曰：作麼生是萬象

之中，獨露身。子方舉拂子。師曰：恁麼會，又爭得

曰：和尚尊意如何。師曰：喚什麼作萬象。曰：古人

不撥萬象。師曰：萬象之中，獨露身。說什麼撥不

撥。子方豁悟。

師謚號 ○ 世字兩法眼 第四卷

清原第九世 高麗明安

八十八

高麗國道峯山慧炬國師見法眼高麗遣使詔回

故國迎入王府師上堂指威鳳樓示衆云威鳳

樓爲諸上座舉揚了還會麼儻若會且作麼生

會若道不會威鳳樓作麼生不會珍重世守山第五卷

郢州大陽明安禪師見梁山問如何是無相道場

梁指觀音云此是吳處士畫師擬進語梁急索

云這箇是有相底那箇是無相底師言下悟作

禮却依本位立梁云何不道取一句來師云道

卽不辭恐難上紙墨梁印可此出統要第十一卷

清原第十世投子禪

舒州投子義青禪師闡明安抵浮山圓鑿法席看

外道問佛因緣忽聞板聲豁然開悟鑒可之乃

曰吾昔受明安禪師真像并直掇皮履令求法

器以繼其宗乃示懺偈題其首曰代吾續大陽

宗風偈云羊廣山頭草憑君待價純靈苗蕃茂

處深密固靈根碻字此第六卷

衡州北禪智賢禪師見嚴禪上堂云年窮臘盡無

可與大衆分歲老僧烹頭露地白牛炊土田米

鉢煮野菜羹。燒楮火。大眾圍鑪。唱村田樂。何以如此。免見倚他門戶。傍他墻。致使時人嗔。作即珍重。

青原第十一世

天衣懷天寧楷

越州天衣義懷禪師。見雪竇上堂云。林間翠竹。陌上黃花。主伴交參。共談斯事。不用南詢諸友。東見文殊。一時向目前。參取行脚事畢。○又云。鴈過長空。影沉寒水。水無沉影之心。鴈無遺蹤之意。若能如是。方能向異類中行。刻字前第五卷

東京天寧道楷禪師

見殺子青

問佛祖言句。如家常

茶飯。離此之外。別有爲何言句也。無。青曰。汝道

寰中天子勅。還假禹湯堯舜也。無。師擬酬之。青

以拂子撼其口曰。汝發意來。早有二十棒。楷悟

玄旨。再拜即去。青呼且來。師亦不顧。青曰。汝

到不疑之地。師以手掩耳。

僧寶傳中

散聖品

維摩拾得

布袋無著

寒山傳大士

散聖慈悲來世上。語言流落滿人間。

維摩會上。三十二菩薩。各談不二法門。文殊云

我於一切法無言無說。文殊乃問維摩維摩默然。文殊讚言善哉。真入不二。出絕要一卷

明州布袋和尚常在通衢而立。僧問和尚在這裏作什麼。師云等箇人來。曰來也。師遂於懷中取一橘子。度與僧。擬接。師縮手云。汝不是這箇人。○又僧問。如何是西來意。師放布袋。叉手而立。僧云。只此別更有在。師拈布袋上肩而去。寒山子因衆僧炙茄次。山將茄串。向僧背上打一下。僧回首。山呈起茄串云。是什麼。僧云。這風

顛漢。山向傍僧云。你道這僧費多少鹽醬。

拾得掃地次。寺主問。汝因豐干拾得汝歸也。汝拾得。汝畢竟姓名什麼。拾得放掃帚。叉手而立。再問。拾得拈起掃帚。掃地而去。

無著和尚住臺山。文殊迎問。大德何方而來。云南方。云南方佛法何如。住持云。末法比丘少奉戒律。云多少衆。云或三百或五百。無著却問。和尚此間如何住持。云。凡聖同居。龍蛇混雜。云多少衆。文殊云。前三三。後三三。無著辭退。均提童

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大藏一覽 卷十 九十一

子送出著云。適來和尚道前三三。後三三。子召云。大德著回首。子云。是多久。洞山云。欲觀其父先觀其子。

婺州傅大士。因梁武帝請講經。士纔陞座。以尺拊案二下。便下座。帝愕然。誌公乃問。陛下會麼。

云。不會。公曰。大士講經竟。以上出統要第二卷。

流通品

若不傳法度衆生。畢竟無能報恩者。

宗鏡舉頌云。假使頂戴塵沙劫身。為床座徧三千。若不傳法度衆生。決定無能報恩者。篇字出第九卷。

又舉成實論云。佛說內外中間之言。遂即入定。時有五百羅漢。各釋此言。佛出定後。同問世尊。誰當佛意。佛言。並非我意。又白佛言。既不當佛意。將得無罪。佛言。雖非我意。各順正理。堪為聖教。

教。禪字函第二卷。



大藏一覽卷第十 終




80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

附錄

卷之二

其狀時無罪也言雖非存亦各取五則見之也
 羅富謝意則言並非其意又白翰青碧不常也
 細亦立言羅對各異也言謝出衣新同則世也
 及舉人實論之則鑑內於中國之言也則人求



世田